



衡岳志卷之七

分巡上湖南道僉事東莞鄧雲霄編刪

衡州府知府長泰楊鍾英

衡陽縣知縣清江羅夢陽

衡山縣知縣汜水何登高同訂

鄉紳禮部郎中耒陽曾鳳儀輯纂

衡州府學生貢王邊寧

衡陽縣學生貢王國泰

劉經筵

臨武縣學生貢鄭祖詩

柳州 學生負表伯璣同校

詩類

自昔騷人墨客事幽栖窮遐矚莫不形之歌咏以
抒寫性靈蓋一種清高之氣不與烟霞泉石期而
痼癖膏肓已中之不可解不第月露風華流連景
光而已衡岳震旦名區高賢錯趾相望山靈卽欲
秘之不可得諸所爲詩歌皆乞緣山靈而還借爲
山靈重者也凡六朝而下詳錄之近代有未盡錄
者俟徐採入

四言古詩

國朝

祀岳歌三章

管大勳

其一

維岳巖巖總齊南荒宅土阜垠厥威孔彰於皇秩祀
爰肇虞黃碧壇崇崇璇宮煌煌廣延肅謁禮文煥將
戒而有司薦而烝嘗豈曰明德以馨以香朱旒翩翩
赤靈洋洋鸞輿至止有赫其光

其二

猗與那與鞀鼓逢逢噦噦管簫維樂融融珪璧斯奠

玄纁載供瑩兮純兮表予之衷既滌我牲既昭我恭
於豆于登靡物不豐薄言酌之曷報之功載觴載獻
思齊雍容陟降不遐篤祐攸同惠施蒸黎祈匪在躬
其三
禮嚴設假厥終匪懈受釐元神於昭未艾六龍飛駕
五雲騰蓋神飈若馳迴翔天外秀巒崑崙靈泉澌澌
億萬斯年埒于嵩岱綏此南服永錫豐泰

五言古詩

魏

登南岳

劉楨

文鳳集南岳徘徊孤竹根於心有不厭奮志凌紫氛
豈不常辛苦羞與黃雀群何時當來儀將順聖明君

晉

望衡岳

庾闡

北眺衡山首南睨五嶺末寂坐挹虛恬運目情四豁
翔翮凌九霄陸鱗困濡沫既體江湖幽安識南溟濶
宋

巖下

謝靈運

衡山採藥人路迷糧亦絕過息岩下坐正見相對說
一老四五少仙隱不可別其書非世教其人必賢哲
唐

晚泊衡湘

宋之問

五嶺栖遑客三湘鷓鴣顏况復秋雨霽表裏見衡山
路逐江南轉心依雁北還唯余望鄉淚更染竹成班

送女道士褚三清遊南岳

李白

吳江女道士頭戴蓮花巾霓衣不濕雨特異陽臺神
足下遠遊履凌波生素塵倦尋向南岳應見魏夫人

贈衡岳僧方外

前人

衡山有開士五峰秀真骨見君萬里心海水照秋月
大臣南溟去問道皆請謁洒以甘露言清涼潤肌髮
湖海落天鏡香閣凌銀闕登眺餐惠風新花期啓發
遊南岳過漢陽別浮屠談皓 前人

秦欺趙氏璧却入邯鄲宮本是楚家玉還來荆山中
丹彩瀉滄溟清輝凌白虹青蠅一相點流落此時同
卓絕道門秀談玄乃支公延蘿結幽居剪竹繞芳叢
涼花拂戶牖天籟鳴虛空憶我初來時蒲萄開景風
今茲大火落秋葉黃梧桐水色憂沅湘長沙去何窮

御岳志 卷之七
寄書訪衡岳但與南飛鴻

望岳

杜甫

南岳配朱鳥秩禮自百王歛吸領地靈鴻洞半炎方
邦家因祀典在德非馨香巡狩何寂寥有虞今則亡
洎吾隘世網行邁越瀟湘渴日絕壁出漾舟清光旁
祝融五峰尊峰峰次低昂紫蓋獨不朝爭長巒相望
恭聞魏夫人群仙挾翱翔有時五峰氣散溢如飛霜
牽迫限修途未暇杖崇岡歸來覩命駕水浴休玉堂
三嘆問府主曷以贊我皇牲璧恐衰俗神其思降祥

題辛道士衡岳房

儲光羲

全神不言命所尚道家流迨此遠商楚遂令思北遊
先生秀衡岳玉立居玄丘門帶江山靜房隨瓊草幽
逍遙三花發罔象五雲浮自有太清紀曾垂草髮憂
大年方橐籥小智卽蟬鳴七日赤龍至莫令余獨留

南岳

劉禹錫

東南地益卑維岳資柱石前當祝融居上拂朱鳥翻
青冥結精氣磅礴宣地脉還聞膚寸陰能致彌天澤
石鼓合江館

柳宗元

九疑瀆傾莽臨源委濼迴會合屬空曠泓澄停風雷
高館軒霞表危樓凌山隈茲辰始澄霽纓雲盡褰開

天秋日正中水碧無塵埃
宿霄瀛父吟叫叫羈鴻哀
境勝豈不豫慮分困難
裁身高欲自舒彌使遠念來

合江亭

韓愈

江亭枕湘江蒸水會其左
曠臨眇空濶綠淨不可唾
惟昔經營初邦君實王佐
剪林遷神祠買地費家貨
梁棟宏可愛結構麗匪過
伊人去軒騰茲宇遂頽挫
老郎來何暮高唱久乃和
樹蘭盈九畹栽竹逾萬箇
長綆汲滄溟幽蹊下坎珂
波濤夜俯聽雲樹朝對卧
初如遺宦情終乃最郡課
人生誠無幾事往悲豈那
蕭條縣歲時笑濁繼庸懦
勝事復誰論醜聲日已播

中丞黜凶邪天子憫窮餓
君侯至之初間里自相賀
淹滯樂閑曠勤苦勸慵惰
爲子掃塵階命樂醉衆坐
窮秋感平分新月憐半破
願書巖上石勿使塵泥泥

岳竹

陳伯玉

鍾龍生南岳孤翠鬱亭亭
峰嶺上崇翠烟雨下冥冥
夜聞鼯鼠叫晝聽泉壑聲
春風正淡蕩白露已清冷
哀響激金奏密色滋玉英
歲寒霜雪苦含彩獨青青
豈不厭凝冽羞比春木榮
歇此節無凋零始願與金石
終古保堅貞不意伶倫子
吹之學鳳鳴遂偶雲和師
張樂近天庭妙曲方千變
蕭韶亦九成

信家彫琢美常願事仙靈驅馳羣虬駕伊舊紫雲臺
結交麻臺女吟弄昇天行携手登白日遠遊戲赤城
低昂玄鶴舞斷續彩雲生永隨衆仙去三年遊玉京

岳麓

李 偉

江南得春早二月已可扇維舟就林樾杖策瞰危巖
峰回岸容改路匝山腰轉尋幽得深徑稍適遂忘倦
儒宮迥清肅環堵抱山院向來講道地遽爾經關戰
斷荒出遺址構木聳層殿開門俎豆陳酒薄時再奠
金聲絕遺響吾道僅一線魏冠敦朴在尚手不釋卷
陳公早知道壯志鋼百鍊嗟予亦何幸謬接金闈彥

過眼無相親抱璞羞自獻徜徉趨聖域感慨清淚漣
圓鑿受方枘初心本無辨強顏甘穢穢忍辱徒唾面
登堂坐未暖駒陰似過箭嗚然仰天呼物態從萬變
黏枯蝸壳癡得雋蛇龍健歸來登吾舟長江淨如練
宋

遊岳麓寺

張 栻

遊觀不作難呼舟度清泚新晴宿潦淨群山摠如洗
上方着危欄萬象見根抵寒泉自可對况復雜餽醴
高談下夕陽邂逅玄鑰啓中流發浩歌月色在波底

登上封

前 人

我尋西園路徑上上封寺竹輿不畱行及此秋容霽
磴危霜葉滑林空山果墜崇蘭供清芬深壑逶幽吹
不知山益高但覺冷侵袂路回屹陰崖突兀聳蒼翠
故應祝融尊群峰拱而峙金碧雖在眼勇往詎容憇
絕頂極遐觀脚力聊一試昔遊冰雪中未盡登臨意
茲來天宇肅舉目爭纖翳遠邇無遁形高低同一視
永惟元化功清濁分萬類運行有機緘浩蕩見根抵
此理復何窮臨風但三唱

晨鍾動雷池望日

前人

浮氣列下陳天淨澄秋容朝暎何處起彷彿認微紅
溟吏眩衆采閭闔開九重金鉦忽湧出晃蕩浮雙瞳
乾坤豁呈露群物光芒中誰知雷池景乃與日觀同
徒傾葵藿心再拜御曉風

中夜祝融觀月

前人

披衣凜中夜起步祝融巔何許冰雪輪皎皎飛上天
清光正在手空明浩無邊群峰儼環列玉樹生瓊田
白雲起我旁兩腋風翩翩舉酒發浩歌萬籟爲寂然
寄言平生友誦我山中篇

風雪未已決策登山

朱熹

披風蘭臺宮看雨百常觀安知此山雲對面隔霄漢

群陰匝寰區密雪渺天呼我我雪中山心眼悽欲斷
吾人愛奇賞逶發臨河嘆我知互寒極見現今當洋
不須疑吾言第請視明日蠟屐得鴈行籃輿或魚貫

大雪馬上次韻

前人

僊人喬岳頂散髮吹參差喚我二三友集此西南垂
列筵命洛公侑坐迎江妃導之十羽旄投以萬壁璣
繽紛一何麗曉靄難具知衆真亦來翔恍覺冊霄低
茫茫雲霧合一一瓊瑤姿田首謝世人千載空相思
五衰怯雄觀未敢探此奇短衣一匹馬幸甚得所隨
天寒飲我酒酒罷賡君壽人生易南北復此知何時

國朝

憶南岳

楚憲王

衡岳高峩峩根盤幾百里危峰仰層霄巨岳奠南紀
空中紫蓋亭雲外芙蓉峙我嘗欲神遊乘風振遐舉
一覽洞庭秋瀟湘在眼底

嘉會堂

湛若水

二賢並世生於此際嘉會七日與朋來酬言固尚在
我生何不辰獨立無朋輩憶昔陽明子相期將有待
時勢倏變更至今有遺悔二賢祠下樹勿剪以勿欺
毋使我心傷心傷重感慨

入岳登楊太學生讀書堂

前人

天風吹月桂飄飄襲我裳試問此何里荅云桐木岡
見誌命僕且停車登陟桐岡堂滿庭松桂發善士本
來香采花勿采枝采枝恐枝傷何以恐枝傷昔人所
遺芳

卜築

前人

遙遙起天柱巍巍南臺下於茲結雲松以上我精舍
芳隣接五峰神明見中夜諸子來端居無玩亦無捨
小憩祝先堯率二寺

前人

祝先與堯率自合爲室閭梵堂隱鍾磬一逕何縹紆

竹木夾徑幽山色遶前除一飯乞分米出門還踟躇

宿南臺寺

前人

秋高感搖落名山窮日登息徒憇南臺寺古風泠泠
髯翁作人拜風伯送秋聲時序旣如此人當法天行

祝融峰

前人

我年躋八十強半懷衡山於茲愜所願誰能不爲歡
霧行衣袂濕雲臥衿枕寒清高萬籟寂神明中夜存
一聲聞天雞紅日躍海門

紫蓋峰

前人

誰能張紫蓋杳杳來空中雙雙逼人清對侍兩碧壘

我來待高秋飄然御天風前驅二彩鳳乘予一蒼龍

又

前人

洞天三十六朱明對朱陵放脚開雲霞信手推天肩
香爐曉烟散紫蓋中天擎群嶽起石磴一水自泠泠
揖謝朱陵君借予地一亭

玄明洞

前人

玄明於衡岳竒勝是初貢仙居對朱明陰陽互藏用
玄明夏避暑朱明冬過凍寒燠各以時日月迭迎送
時聞景陽鍾風吹過陰洞

岳麓憶朱張

王守仁

客行長沙道山川鬱稠繆西探指岳麓凌晨渡湘流
踰岡復陟巘吊古還尋幽林壑有餘采昔賢此藏修
我來寔仰止匪伊事盤遊衡雲開曉望洞野浮春洲
懷我二三友伐木增離憂何當此來聚道誼日相求

又

前人

林間憇白石好風亦時來春陽熙百物欣然得予懷
緬思兩夫子此地得徘徊當年靡童冠曠代登堂階
高情詎今昔物色遺吾儕願謂二三子取瑟為我諧
我彈尔為歌爾舞我與偕吾道有至樂富貴真浮埃
若時乘大化勿愧點與回陟岡採松柏將以遺所思

勿採松栢枝兩賢昔所依緣峰踐臺石將以望所期
勿踐臺上石兩賢昔所躋兩賢去邈矣我友何相違
吾斯未能信役役空爾疲胡不此簪盍麗澤相遨嬉
渴飲松下泉饑殮石上芝偃仰絕餘念遷客難久稽
洞庭春浪濶浮雲隔九疑江洲蒲芳草目極令人悲
已矣從此去奚必茲山爲戀繫乃從欲安土維隨時
晚聞異有得此外吾何知

雲開堂

嚴嵩

寤寐名山遊茲夕山下宿虛館絕浮埃沉沉在幽谷
曠隴星映除颯爽風動木耳目澹無營靜嘿寡所欲
院寂凝清香更長續明燭慚無昌黎誠晴晦安可卜
明發戒僕夫願恣雲霞囑

又

前人

夜聞臺端檄欲駐湘中船良遊匪夙約茲會豈天緣
狂思忽如醒攬衣不得眠紙牕露微月髮鬢至我前
紅日出東方曉山映澄鮮高吟振衣去期于層雲巔

荅甘泉遊岳

蔣信

秋風飄雲裾採藥過衡麓繡袍天上使攬轡來何速
一爲帝文曲皇皇宣化育一爲帝執法秉鉞鎮南陸
金甌鍾鼎姿不數連城玉開筵列佳餚傾論後前囑

朱輪故遲遲促席仍信宿迂踈髮已短
嚶馨固所欲
偶結山中惟渴襟豈應足

兜率峰

孫應鰲

孤界抗長暉爭緣愜幽甸路絕徑仍通
流芳突舒顛
山際萬木叢巖端一樓見豈不畏詰屈
遇此脫浮懸
華風起豐茸層嶺發葱蒨耳目信翻映
物外復誰擅
振衣千古豪歷落迺英盼

登南岳

王偁

維舟湘水上始觀祝融峰何人尊炎服
植此金芙蓉
下窺俯南極仰攀接層穹昂昂五岳尊
同立元氣中

陰時變氣候衆壑應寡同緣蘿石磊磊
噴壑泉濛濛
遙洒洞庭雪五月飛涼風伊昔禮明禋
望秩猶三公
靈湫出雲雨有禱無不通離明舞朱雀
星紀專化工
而我企冥漠覽眺殊未窮火黎記昔冢
圯剝今無蹤
營丘秘真圖孤魂竟誰從浮雲鳥道沒
白日長天空
惟應吊虞舜一嘯蒼梧東

虎肥泉

李攀龍

大士始結構鑿空偏此丘二虎自南岳
掉尾從師遊
神威攬地脉佛力驅陽侯枯火迸石罅
松根解綯繆
勢寧决蹕去揮錫怒不休至今噴岩壑
水猶咆哮流

酌言生壯心一嘯風颼颼海眼在其下潮汐故可求
不然胡僧呪爭使波瀾浮穿壁吐長澗夾寺瀦龍湫
疑作故山雨片雲駐岫嶺歸應出東林無爲惠遠留
方廣寺謁晦菴南軒祠柬諸同志

張居正

兩賢異鄉域千里還相求祇爲戀徒侶能志路阻修
我行躡遺跡仰見祠屋幽高山近可仰嘉會亦綢繆
俛首念疇昔戚戚懷殷憂雖抱遺俗心賦質暗且柔
巖巖負喬岳有志力不邁願我同心侶景行希令猷
涓流匯滄海一簣成山丘欲騁萬里途中道安可留
各勉日新志毋貽白首羞

祝融峰

前人

祝融群峰表律萃萬古雄采虹掛丹壁邈若升蒼穹
舉手捫太微天關洞開通璀璨南斗星垂珠當我胸
俯瞰六合內洗滌烟雲重浩如太始初二氣溼冲融
須臾湧陽景倒挂扶桑東瀛海不復辨三山安可窮
寄謝冷風子吾將遊混濛

福昌寺

曾朝節

筍輿方廣來崎嶇復古寺青林敞金刹焚香坐開士
誰知第一義義亦本無二巖潭龍入聽初不在文字

送心空比丘歸衡山

郭正域

心空境不空彩筆畫虛空境空心不空生龜未脫筒
心境若俱空海月映山風長安二月寒汝去雪漫漫
梅子何時熟梨兒味正酸若到衡山上為予問懶殘

白雲峰

紫栢生

小人松下飯味在天地先萬物澹吞吐一身白雲然
卷舒於太虛蹤跡誰可便惟有搜寧者許隨黃菜禪

南岳廟

尹臺

疇昔抱微尚五岳志窺尋限身清切禁安得諧夙心
恭承帝嘉命群藩展主琛炎方輿歷討因獲散冲襟

遂越三湘浦亦涉衡陽潯駕言謁靈后清齋秉嚴忱
羃陰豁幽巘朝景耀陽林長松三十里夾澗搖疎森
微颺度曲崦蕭颯竿籟吟危閣聳霄漢朱碧徵霏陰
群峰儼翔會紫翠紛升沉聖人握元化峙流序高深
皇皇朱鳥祀秩禮崇古今惟德理南訛長養專調斟
再拜聆庭廡肅穆懷居歆

登衡岳

王京

衡山自天落名勝真竒絕竭來恣幽賞相對忘言說
天末起悲風商氣應秋節林鴉散夕陽藤蘿掛新月
蒼梧渺何許湘靈鼓瑤瑟策杖扣禪扉柴荆蒙以密

慧燈照蒲團炯炯常不滅因之談衷慤聊以慰岑寂
千古斯人心宇宙同空濶舜躋毫釐間所貴在區別
又
我來禮名岳山房聊信宿沉沉日復西猿鶴唵空谷
商氣厲孤松金飈摧萬木幽西絕點埃岑寂超無欲
衣薄坐擁衾更寒寤秉燭勝遊足賞心誰問君平卜
赤脚踏祝融乾坤不盈囑

流杯池

彭簪

吏事苦煩鬱索遊謝吾黨乘興出廓門四顧增慨慷
荒亭久寂寥衢路成榛莽緩步陟崇岡高歌振林響

桃李咲無言春光正駘蕩飛瀑噴玉屑歧石擎仙堂
分泉入曲池流杯恣清賞雜談忘爾汝一點動遐想
斯湏非久計暫覺脫塵鞅憂樂古人心曷哉憑俯仰

望岳亭

王心

宿宿湘浦雲測測鴈峰雨美人遲不來寂寞誰爲語
南風開翳陰賞心盼晴宇欣然見南岳廓哉忘羈旅
七十二竒峰歷歷槩可數吾聞最上峰重華昔攸處
祝融豈不高俯侍不敢侮遺廟多芝蘭芬芳曷下土
緬想夔龍徒藹藹結纓組我欲往求之山靈恐吝與

燕坐有懷

張居正

炎州標靈岳歸然奠南極興雲翊帝工蔭風直斗域
 千秋儼廟貌祀典邦有秩我來叩幽秘躋雲屢登陟
 齋心肅永夜盼響如可即髣髴邁真侶排空似羽翼
 授我玉拌藥光耀有五色瑤草吐雲英金書啓石室
 顧慙塵土軀恐負心所憶願言籍神庥精誠倘能格

懷昌黎文公

管大勳

聖賢久不作叔世崇佛老倬彼昌黎子力排著原道
 摘文振頽靡抗節秉孤矯寥寥百千年煌煌元和表
 寧逃至尊怒頓為迷俗曉慷慨辭金門赴謫潮陽
 島行行過南岳陰雲為誰掃逆旅寄交懽閑亭垂麗

漢瓊珉固不磨山斗以為寶

懷晦菴先生

前人

吾道在南州考亭宗尼父正教衍淳熙名言記石鼓
 崇臺幾廢興豐碑麗今古國步值艱難世俗多聾瞽
 獨以平生學抗論悟人主立朝跡已危乞祠心獨苦
 白鹿垂芳規岳麓存聖矩至今蒸湘間允箴等鄉魯

懷南軒先生

前人

人心皆孔顏湛寂元無滓義利分毫芒誰能斷其旨
 緬仰懷先民蚤歲悟至理卓卓趨高明仡仡事踐履
 承家願不違許國死后已所以宋諸儒雅推南軒氏

足跡遍潭蒸師友契蘭芷勝遊霽岳雪涉起詠沂水
試讀武侯碑令人空仰止

夏日晚登合江亭

前人

青天火雲流落日山氣赭東湘滙西蒸輕風吹長夏
巋然江閣懸磊石出其下高眺挹晴暉麗景誰能寫
祝融莫炎維岫嶺巨原野豐林蔭千章蕭竹及蓬蒿把
啗啗回翔鳥瀏瀏奔谿瀉瀨流注溟渤披濤洞庭野
猛然起振衣誰共濯足者江山環信美道遙偶憇假
誼囂既寂盪幽蘊自飛灑倚欄邀金鏡憑虛浮玉笋
酒酣忘百慮歌成豈大雅遍扶亭中碑因知和者寡

宿雲開堂

管大勳

禮神夕方竟憇息巖東隅南星恍明滅北堂淨齋居
百營既屏寂中夜常晏如寒禽鳴啾啾涼風吹徐徐
移步廣庭下陡然發長吁明晨擬高眺重陰鬱未舒
安得昌黎子爲余曠清虛

登上封寺

前人

遵麓苦奔峭陟巘忘崎嶇薄遊散輕寒孤眺豁遠裔
蒼雲飛東壁玉泉寫西嶼上方連空青下界祝有無
峰嶺七十二茲山定中區平臺轉夷輿危棟還翼扶
瞿曇肅金刹靈崑秘赤符遂令南岳尊永與乾坤俱

浩劫經代謝浮踪倦馳驅感時中常結覽景情獨愉
目睇邇八埏心期隘天衢欽聖不在遠懷仙豈云誣
明晨下山麓回首當追吁

祝融絕頂

前人

品嶠本秀特板躋益峻巖峰頭懸翼軫壑底蟠蛟螭
松崖削青蓮石磴流綠漪赤玉縕重岡紅花散四垂
香風起天末萬籟當空吹頓令六尺軀飄飄欲何之
洞庭盈一掬蒼烟失九疑靈異杳焉對浩渺渾無涯
漫遊舒清襟兼得探玄竒倦來臥白石飢將餐紫芝
冥心戀景光延佇復多時翳塵自茲隔動靜還有期
終歸南山隱勞勞竟何爲

宿圓寧僧房

前人

昏黑造靈崖置身碧雲上禪房比且幽河漢宛相向
入定孤燈懸回光見色相中逢老衲子種種說無量
生涯度空林殿宇自開剏莫識代幾更澹然有餘况
啓宇理無生願言離孽障假寐對空王寤覺神怡覺
疊疊發玄思了了達清曠偶聽山磬發攬不驚逸響
舉手別山靈明星曜孤嶂

遊南岳謁白沙甘泉二先生祠 李燾

海內惟五岳南岳當文明地脉盡南海靈秀鍾豪英

衡山志 卷之六
爰有白沙氏正學屬主盟寤寐朱陵勝猶懸物外情
高第首文簡體認天理精九十登祝融祠爲白沙成
迄今逾五紀几席儼師生媿余鄉後進廿載三之荆
瞻仰思遺教隨處天則呈翠微含雪影春雲縱復橫
野花叢將發谷鳥時一鳴際此歸羅浮無負紫芝榮

奉陪登岳

劉永基

祝融奠南服羅浮相與連七十有二峰崢嶸羅膝前
山川毓靈秀秉受多英賢大唐房杜後曲江人比肩
有名動千古文彩耀當年我明白沙子夢寐祝融巔
追隨舜禹跡檢點朱張編春戀高堂壽息遊江門邊

康成在門下是曰湛甘泉九十餘康強朱陵訪列仙
體認天然則安敢別宗傳尸祝禪梁父李公足後先
隨處更精察好學勤勉旃諄諄教無倦言言皆真筌
課業聞洙泗還風返葛天自從遭召文生民得晏眠
清霜廉節冷三楚肅風烟駐節祝融上晴光草木鮮
萬戶迎驩日春鶯亦喜遷俎豆光鄉哲承家張矢懸
河源銀漢潔派衍潤湘川

衡岳禱詠

張文光

放舟行湘中注目衡山上舟移景亦移千里各異狀
奔峭湧逝波層巒開疊嶂疑塞忽開通一背復一向

魏峩插青冥幽深極遼曠林木色蒼蔚流泉瀉蕩漾
猿猴嘯夜月豹虎浮雲抗他岳或奔圮茲山獨無恙
鄴侯曾隱居旋拜真宰相高僧習禪觀屢得法眼藏
興雲洩霧雨沛澤何儻宕舜廟可瞻依禹碑擬搜訪
婚嫁了世緣岩栖託微尚

五言排律

北周梁

南岳道士步虛

庾信

渾成空教立元始正晷開赤玉靈文下朱陵真氣來
中天九龍館倒景八風臺雲度茲歌响星移宮殿廻
青衣上少室童子向蓬萊逍遙聞四會倏忽度三災

別友人衡

范雲

孤烟起新豐候鴈出雲中草低金城霧木下玉門風
別君河初滿思君月屢空折桂衡山北摘蘭湘水東
蘭摘心焉寄桂折意誰通

南岳九僊

前人

終朝吐祥霧薄晚孕奇烟洞澗生芝草重巖出醴泉
中有懷真士被褐守冲玄石戶棲于秘金壇謁九僊
乘鸞方履漢鸞鶴且騰天

唐

自湘源至衡山

宋之問

浮湘公迅湍逗浦凝遠盼漸見江勢濶行嗟水流慢
赤崖雜雲霞綠竹緣溪澗向背群山轉應接良景晏
杳嶂連夜猿平沙覆陽雁紛吾門闕客歸橈速已慣
中道方沂泗遲念自茲撰賴忻衡陽美持以蠲憂患

南岳

賀朝清

湖北雨初晴湖南山盡見岫岫石帆影如得海風便
山穴茅山峰彩雲時一現邀君共探此異籙殘幾卷

秋日南岳書懷

李白

北風吹海鴈南渡落寒聲感此瀟湘客淒其流浪情
海懷結滄洲霞想遊赤城始探蓬壺事旋覺天地輕
澹然吟高秋閑臥瞻太清蘿月掩空幕松霜結前楹
滅見息群動獵微窮至精桃花有源水可以保吾生

入衡

杜甫

兵革自久遠興衰看帝王漢儀甚照耀胡馬何猖狂

老將一失律清邊主戰場君臣忍瑕垢河岳空金湯
重鎮如割據輕權絕紀綱軍州體不一寬猛性所將
嗟彼苦節士素枘圓鑿方寡妻從爲肥兀者安堵墻
凋弊惜邦本哀矜存事常旌麾非其任府庫實過防
恕已獨在此多憂增內傷偏禪限酒肉卒伍單衣裳
元惡迷是似聚謀洩康莊竟流帳下血大降湖南殃
烈火發中夜高烟燹上蒼至今分粟帛殺氣吹沅湘
福善理顛倒明徵天奔芒銷魂避飛鏑累足穿豺狼
隱忍枳棘刺遷延抵胼瘡遠歸兕侍側猶乳女在旁
久客幸脫免暮年慙激昂蕭條向水陸汨沒隨漁商
報主身已老入朝病見妨悠悠委薄俗鬱鬱回剛腸
參錯走洲渚春容轉林篁片帆在柳岸通郭前衡陽
華表雲鳥埤名園花草香旗亭壯邑屋烽櫓蟠城隍
中有古刺史盛才冠巖廊扶顛待柱石獨坐飛風霜
昨者問瓊樹高談隨羽觴無論再繾綣已是安蒼黃
劇孟七國畏馬卿四賊良門闌蘇生在勇銳白起強
問罪富形勢凱歌懸否滅氛埃期必掃蚊虻焉能當
橘井舊地宅仙山引舟航此行厭暑雨厥土聞清涼
諸勇剖符近開緘書札光頻繁命屢及磊落字百行
江摠外家養謝安乘興長下流匪珠玉擇木羞鸞鳳

我師嵇叔夜世賢張子房柴荆寄樂土鵬路觀翱翔
過南岳入洞庭湖 前人

洪波忽爭道岸轉異江湖鄂渚分雲樹衡山引舳艫
翠牙穿袞漿碧節吐寒蒲病渴身何去春生力更無
瓊童犁雨雪漁屋架泥塗歎側風帆滿微冥水駟孤
悠悠回赤壁浩浩畧蒼梧帝子畱遺恨曹公屈壯圖
聖朝光御極殘孽註艱虞才淑隨斯養名賢隱鍛鑪
邵平元入漢張翰後歸吳莫怪啼痕數危檣逐夜烏

麓山法崇禪師故居

劉長卿

山僧候谷口石路掃莓苔深入泉源去遙從樹杪回

香隨青靄散鍾過白雲來野雪空齋掩山風古殿開
桂寒知自發松老問誰栽惆悵湘江上何人更渡盃

奉敕祭南岳詩

呂溫

皇家禮赤帝謬獲司風域致齋紫蓋下宿設祝融側
鳴澗驚宵寐清猿遙時刻藻潔事夙興簪佩思盡飾
危壇象岳趾秘殿超羣翼登拜不遑飲酌獻皆累息
贊道儀匪煩祝史詞甚直忽覺心魂悸如有精靈逼
漠漠雲氣生森森杉栢黑風吹虛蕭韻露洗寒玉色
寂寞有至公馨香在明德禮成謝邑吏駕言歸郡職
憇桑訪蠶事遵疇課農力所願風雨時迴首瞻南極

酬于侍郎南岳見寄

包佶

桂嶺千崖斷湘流一派通
長沙今賈傳東海舊于公
章甫今殊俗離騷繼雅風
金闈文作字玉匣氣成虹
翰墨時無侶丹青夙在工
主恩留左掖人望積南宮
巧拙循名異浮沉顧位同
九遷歸上略三已契愚衷
責謝庭中吏悲寬塞上翁
楚材欣有適燕石愧無功
山曉重嵐外林春苦霧中
雪花翻海鶴波影倒江楓
去札頻逢信迴帆早挂空
避賢方有日非敢愛微躬

祭南岳謁司馬道士

張九齡

將命祈靈岳迴策詣真士
絕迹尋一逕異香聞數里
分庭八桂樹肅客兩童子
入室希把袖登床願啓齒
誘我棄智訣迨茲長生理
吸精反自然鍊藥求不死
斯言眇霄漢顧予嬰紛滓
相去九牛毛慙嘆知何已

自衡陽謁能禪師

司空曙

謫居竄炎壑孤帆森不繫
別家萬里餘流目三春際
猿啼山館曉虹飲江臯
霽湘岸竹泉幽衡峰石閣閉
嶺嶂窮攀越風濤極沿濟
吾師在衡陽欣此得躬詣
洗慮賓空寂香焚結精誓
願以有漏軀聿薰無生惠
物用益冲曠心源日閑細
伊我獲此途游道迴晚計
宗師信捨法擯落文史菘
坐禪羅浮中尋異南海裔

何辭禦魑魅自可乘炎癘廻首望舊鄉雲林浩蔚蕪
不作離別苦歸期多年歲

國朝

宿普化寺飲章縣尹

湛若水

手持白羽扇頭戴碧綸巾眼希全岳色身帶羅浮雲
藹藹賢明府遮道問殷勤恍惚平生知夙昔遊成均
嘉筵就佛堂割雞雜衆珍鼓吹發碧落絃歌亦漸聞
歡樂意未盡抗手別高旻

南岳

陳愷

方輿維岳重南紀此山宗玉帛聞虞典岳面書見禹功

太初分象界終古奠鴻濛夙夢曾飛月良緣偶采鳳
聚星來舊雨攬轡有新聰嵐散孤屏出霞升瑞錦重
石關疑虎豹松徑訝虬龍廟古儀仍肅芹香薦實恭
小輿時引索危磴自支筇仙洞朱陵秘神峰紫蓋同
開雲捫翼軫轉石起靈霍若木三山外扶桑一水東
赤精傳寶籙碧鳳集朱桐漫掣鼇翻海閒招鶴下空
洞湖聞廣樂梧野叫重瞳玉燭消氛祲瑤臺繞鬱葱
登臨得無事留滯豈堪忡灑氣披塵想罡風怯病躬
憇林春樹合歸路晚烟籠清嘯情方洽幽探意未窮
種芝雲石煖接竹澗泉通且覓真如話休驚不若逢

天屏圍遠翠野火送暹紅松館方流月山尊正吸筒
天吳何作惡酒聖未須中遠宦悲韓子端居咲鄴翁
功名看去馬踪跡悵飛蓬擬作還南鎮因之望祝融
擘龍離榻益夢蟻破槐宮謝此周容態行當信所從

衡岳喜霽

黃佐

炎德殿南域玄功協北祇大哉祝融祀邈矣陶唐時
錫民溥鴻澤翊國隆駿基明明翼軫列滔滔江漢
馳屹柱立乾棟連終且地維衣帶縈三湘嬰孺撫九
疑攢峰鎖蒼霧標巖積綵霓青玉固葱蒨朱陵亦歲
隄茲山擅雄峻伊予嗜靈奇亭鱣諧夙願飄節隨所

之仰探丹鳳穴俯見玄豹崖溟濛苦氛覆窈窕多路
岐皎鏡雪方積虛壑風何悲豈知凌絕巘及此娛晴
曦歛吸竭靈景混茫開太儀煙靄散林薄雲光溢川
坻平厓少延佇窮髮皆可規振衣望郢甸披雲辨京
圻譬彼朝陽鳥豉爾梧樹枝整翮自茲去翱翔本無
期

丘謙之自衡山來辱枉新詩并遺萬年三株衡

山石一片報謝

郭正域

五岳壯遊徧陽春大雅存紅顏謝冕黼白眼向琴尊
紫袖朱絃動清歌玉露繁雄心付兩屐綵筆問三源

江漢風仍在岫嶺碣可捫玄夷迷曉夢寶洞駐征鞍
練景飛雙鶴僊巖聞夜猿不知曾眺咏何以遂孤鶩
江介迴僊舫光風到華門三株披石秀一片動雲根
麗藻來相訊瑤華不足論有懷擦杖履未暇效盤飧
似接芙蓉面如聞金簡言憂思慙阮籍痛飲負平原
意氣誰投轄文章已斲輪索居吾豈敢還擬賦高軒

登祝融

彭良臣

衡峰七十二縱目孰爲快直上祝融峰撐天無限界
峻嶒莫遐荒尊巖壓纖芥百越山如環九江流似塊
翼軫星垂芒暘谷日輪曬隱隱耀神靈幽幽生奇怪

秩禮自前朝昭代更宿戒箇中色相忘眼底乾坤隘

午憩梵率

管大勳

下山頻入山異境非人間竹色千巖秀松陰一徑閑
曲池流玉掌丹鼎駐朱顏佛殿浮煙裏空門流水灣
登堂步虛寂躡磴拂爛班傑閣凌霄漢方亭闢草菅
昔賢多卜築此地足躋扳與客同尋勝聞僧且閉關
火燒三界易情洗六根難法爲因緣淨心從澹泊慳
達生超上乘混迹落塵寰到處躋清隱何人悟大還
樵柯爛白石旅髮憶青鬟酒熟寧辭醉詩成未可刪
歸途風浙瀝出寺水潺湲

祝融峯

袁子讓

七十二峯上崔嵬我獨尊炎方鎮熒惑赤后剖渾淪
 太岳運兄弟群巒列子孫螭頭懸日月鰲足柱乾坤
 霞落數賓鴈雲開見帝閭入天枕南極出地接西崑
 雷伏池常合星懸夜可捫近谿迷俗路遠日見天根
 嶠嶼多仙占樓臺半霧吞杲前先得曉杳後始知昏
 陵下朱爲洞霄中紫抹痕山腰釀雨雪雲脚辨江村
 石室無人到雲居遺世存登梯難住足俯檻易搖魂
 春過風仍烈日高氣未溫芝靈作火照松老化虬蹲
 濯足濡湘水摩肩揖桂門緝花開不謝卅鳥拂還屯

分楚三鷄會環山萬馬奔中原下視小岷嶓不須論

石鼓書院詩 有引

溫陵劉春

郡北隅石鼓書院故諸先賢濂溪晦菴南軒

文定遊屐之地至於斯者未嘗不爲低回中

坻 鄧公鼎之推此意不可以興乎哉雖卒

卒缺於大雅之間又焉能已余亦賦二詩云

衡峯何崔崔石鼓伉其宅代疑周鼓同地留靈光跡
 彼美群詰儒於焉敞遊鳥祁祁從諸生遜志禮鄒嶧
 去之雖千歲所構有遺澤蒸湘四望合滔滔滯南國
 精靈髮可晤神理詎寂寞我來吏茲土足以徵方策

紫陽固吾黨諸賢亦所繹仕優雖拙今離經良戀昔
亮懷文翁意逝難恩程石

其二

方水驗靈傑青冰徵教育道用倡爲尊地惟賞斯淑
哲匠感廢興臨流廣新塾桂棟木蘭楣杏梁辛夷楠
堦城系玫瑰牕檣爽琳珠灑衍互蒸湘爵菰醵岳麓
寓目何敞宏會心仍肅穆嗣美竹瀟闔振藻寧差玉
素懷期作人涼德曠明牧鼓盪象草風切磨興淇澳
斯言儻不昧德音良自勗

衡嶽擬古四首

南中尹愉

衡山有靈鳥高潔鳳凰姿棲彼三花樹啄葉正紛披
疑從海外來不與衆鳥嬉時聞一刷羽五色何參差
飄然凌遠空虞羅焉所施

其二

朱明石洞側上有千樹松亭亭偃青蓋矯矯凌高峰
白日亂翻波松子落崆嶺拾之誠可食不減茯苓功
吾欲斲其根盤紆如蛇龍赤松曾憇此問之不相逢
朝或過紫蓋暮或宿芙蓉白雲空悵望中道安所從

其三

石廩何奇絕中封不可開云是羽人糧積作白雲堆

玲瓏含衆竅一一固青苔捫蘿踏其巔半天與狝狃
燁燁多瑤草垂露滴崖隈更凌丹梯上清冷啜盃

其四

絡絲潭底泉湛若白玉英誰爲掛瓢者白日羽輪輕
惠車今何在乘彼彩雲征時或過洞庭來聞鈞樂聲
我欲往從之安得賦翰生聊爲崖下飲冷冷肺肝清

五言律詩

隋

望日應趙王教

康孟

金烏升曉氣玉檻漾晨曦先泛扶桑海返照若華池
洛浦全開鏡衡山半隱規相歡承愛景共惜寸陰移
唐

送薛天師往南岳

玄宗

洞府修真客衡陽念舊居將成金闕要願奉玉清書
雲路三天近松溪萬籟虛猶期傳秘籙來往候僊輿
南岳尋道觀
王勃

枝屨光分野蓬闕盛規模碧壇清桂闕丹洞肅松樞
玉笈三山記金箱五岳圖蒼虬不可得空望白雲衢

望南岳

吳筠

重波淪且直連山斜復紛鳥飛不復見風聲猶可聞
隴隴樹裏月飄飄水上雲長安遠如此無緣得報君

水簾洞

李元輔

一片挂蒼崖分明不惹埃感成珠顆白垂下玉繩來
野鷺飛難入山風捲不開聲聲去朝海無意戀巖隈

衡南旅情

祖詠

楚山不可極歸路但蕭條海色晴看雨江聲夜聽潮

劍畱南斗近書寄北風遙爲報空潭極無殊贈洛橋

衡南夕望

杜甫

百丈牽江色孤舟泛日斜興來猶杖屨日斷更雲沙
山鬼迷春竹湘娥倚暮花湖南清絕地萬古一長嗟

遊衡湘訪已公

前人

已公茅屋下可以賦新詩枕簟入林僻茶瓜畱客遲
江蓮搖白羽天棘萼青絲空桑詩詢輩難酬支遁詞

送道標上人歸南岳

劉長卿

悠悠倚孤棹却憶卧中林江草行將遠湘山往獨深
白雲畱不住綠水去無心衡岳千峰亂禪房何處尋

石困山

前人

前山帶秋色獨住秋江晚疊嶂入雲多孤峰去人遠
黃緣不可到蒼翠空在眼渡口問漁家桃源路深淺

送元侍御充使南岳

皇甫曾

雲夢南衡盡三湘萬里流山川重分首徒御亦悲秋
白簡勞王事清猿助客愁離群復多病歲晚憶滄洲

題衡岳煉師房

韓翃

春城乞食還高論此中閑僧騰階前樹禪心江上山
疎簾看雪捲深戶映花闌晚送門人去鍾聲杳霽間

題衡岳僧房

前人

披衣聞客至關鎖此時開鳴磬夕陽盡捲簾秋色來
名香連竹逕清梵出花臺身在心無住他方到幾迴

題衡岳澹然師房

前人

雙林彼上人詩興轉相親竹裏經聲晚門前山色春
捲簾苔點淨下筍藥苗新記取無生理歸來問此身

贈衡岳隱禪師

李端

舊住衡州寺隨緣偶北來夜寒山雪下朝汲竹門開
半偈空皆盡群生意未迴唯當與樵者杖錫入天台

送深法師遊南岳

劉禹錫

師在白雲鄉名高善法堂十方傳句偈八部會壇場

飛錫無定所寶書留舊房唯應衡菓鴈相逢至衡陽
重至衡岳傷柳儀曹
前八人

憶昨與故人湘江岸頭別我馬映林嘶君帆轉山滅
馬嘶循故道帆滅如流電千里江籬春故人今不見
將之衡陽道中作
張 枯

萬里南方去孤舟泛自身長年無愛物深話少情人
醉卧襟長散閑書字不真衡陽路猶遠獨與鴈爲賓
送衡岳知興上人
賈 島

久住巴興寺如今始拂衣欲臨秋水別不向故山歸
錫掛天涯樹房開岳頂扉下看萬里
微

送僧還南岳

周 賀

辭僧下水棚因夢岳鐘聲徑路獨歸寺幾時重到城
風高寒木落雨絕夜堂清自說深居後隣州亦不行

贈然上人往南岳

前八人

竹逕瓶水新深稱北窓人講罷見黃葉詩成尋舊隣
錫陰迷坐石池影露齋身苦作南行約勞生始問津

冬夜寄衡岳僧

劉得仁

營營不自停睽澗隔年情林下期難遂人間事旋生
鳥棲寒木迥月映積水清石室焚香坐懸知笑爲名
贈衡岳楚雲上人

松根蒲苔石盡日閉禪關有伴年年月無家處處山
煙波五湖遠旌屨一身閑岳寺蕙蘭晚幾時幽鳥還
贈僧雲棲入衡岳
前人人

塵尾與筇杖幾年離石壇梵餘林雪厚基罷岳鍾殘
開卷喜先悟漱瓶知早寒衡陽寺前鴈今日到長安

送衡山元遂上人

李頎

白衣遊帝鄉已得事空王却返湖山寺高吟水月房
雨中過岳黑秋後宿舩涼迴顧秦人語他僧宿上方

南岳有感

于武陵

杜陵無厚業不得駐車輪重到曾遊處多非舊主人

東風千里樹西日一洲蘋又渡湘江水湘江水復春

送友人歸岳

杜荀鶴

家枕三湘岸門前卽釣磯漁竿壯歲別鶴髮亂時歸
岳靜無猿叫江春有鷺飛平生書劍在莫便學志機

尋真觀

前人人

寂寂白雲門尋真不遇真祗應松上鶴便是洞中人
藥圃花香異泉沙鹿跡新題詩留姓字他日此相親

翠巖寺

曹松

何年話尊宿瞻禮此堂中人郭非無路歸林自學空
濺瓶雲嶠水迸磬雪川風時說南宗事知師用意同

貽南岳楚霄上人

前人

在秦生楚思波浪接禪關塔礙高秋鳥窓藏白日山
樹陰移草上岸色透林間樓內談經徹空携講疏還

贈衡山麋明府

前人

爲縣瀟湘水門前樹配苔晚吟公籍少春醉積林間
條硯松香起擎茶岳影來任官當此境更莫夢天台

岳麓寺

前人

海雲山上寺每到每開襟萬木長不住細泉聽更深
蜩沾高雨斷鳥過夕嵐沉此地良宵月長懷隔楚砧

兜率寺

裴說

一片無塵地高連夢澤南僧居跨鳥道佛影照漁

朽枿雲斜映平蕪日半涵行行不得住迴首望烟嵐

不出南岳僧

前人

四遠參尋徧修行却不行耳邊無倍語門外是前生
塔見移來影鍾聞過去聲一齋唯默坐應笑我營營

寄衡岳處賓上人

前人

恠得意相親高携一軸新能搜大雅句不似小乘人
岳麓擎枯檜瀟湘吐白蘋他年遇同道爲我話風塵

寄南岳貫休

前人

憶昔與吾師山中靜論時總無方是法難得始爲詩

凍火眠乾葉饑禽啄病梨他年白蓮社猶許重相期
旅次衡山 前人

欲往幾經年今來意豁然江風長借客岳雨不因天
戲鷺飛輕雪鷺鴻叫亂絃晚秋紅藕裏十宿寄漁船

贈南岳僧

方干

忘機室亦空禪與沃州同唯有半庭竹能生竟日風
思山海月上出定印香終繼後傳衣者還須立雪中

遊南岳

張喬

入巖仙境清行盡復重行若得閑無事長來寄此生
澗松閑易老籠燭晚生明一宿泉聲裏思鄉夢不成

寄衡岳友人

前人

相夢如相見相思去後頻舊時行處斷華髮別來新
浪動三湘月烟藏五嶺春又無歸北鴈書札寄何人

送友人遊衡岳

前人

所投非舊知亦似有前期向路長江上揚帆細雨時
春生南岳早日轉大荒遲盡採瀟湘句重來慰所思

李道士歸南岳

前人

千峰隔湘水迢遞掛帆歸掃月眠蒼壁和雲著褐衣
洞虛隔瀟滴徑狹長松圍只恐相尋日人間舊識稀

江上送友遊南岳

前人

何處積鄉愁天涯聚亂流岸長群岫晚湖濶片帆秋
買酒過漁舍分燈與釣舟瀟湘見來鴈應念獨邊邊

岳館 沈雲卿

洞壑仙人館孤峰玉女臺空濛朝氣合窈窕夕陽開
流澗含輕雨虛巖應薄雷正逢鸞與鶴歌舞出天來

送陳明府歸衡山 黃真酒

野鶴兼雛下單車出柳烟三年兩殊考一日數離筵
久別潮波綠相思岳月圓翠蘿曾隱處定恐却求仙

寄衡岳劉錄事 喻 昂

域西青島寺累夏漱寒泉今在提綱所應難掃石眠

風沙榆塞迥波浪橘洲偏重整瀟湘棹心期更幾年

岳寺秋雨有懷 前人

修修復震震黃葉此時飛隱几客吟斷鄰房僧話稀
鴟寒栖樹定螢濕在窓微即事瀟湘渚漁翁披草衣

送道士于千齡遊南岳 崔 塗

物外與誰期人間又別離四方多事日高岳獨游時
猿狖瀟湘對煙波屈宋祠無因陪此去空惜鬢將衰

贈南岳去秦禪師 尚 顏

曹溪入室人終老甚難尋四十餘年內青山與白雲
松和巢鶴看果共野猿分海外僧來說名高自小聞

居南岳懷沈彬

前人

石房開竹徑茗外獨支頤萬木還無葉百年能幾時
隔雲聞款過截雨見虹垂因憶岳南客晏眠吟好詩

寓岳送衡州薛從事

鄭巢

吟去望雙旌滄洲晚氣清遙分高岳色獨出遠蟬聲
楚雨雲連寺湘寒浪浸城孤猿不可聽一聽白髮生

南岳草堂讀書

僧皎然

削去簪中事南池便隱居爲隣松子壽還卜道家書
藥院常無客茶罇獨對余有時招送吏來飯野中蔬

招衡陽上人飯茶

前人

晦夜不可坐琴軒猶爲開墻東隱者在淇上逸僧來
客愛梅花飲詩看卷素裁風流高此會曉景屢徘徊

送僧歸南岳

清塞

洗足北林去遠途今已分麻衣行岳色竹杖帶湘雲
饑鼠緣危壁寒狸出壞墳前峰一聲磬此夕不同聞

宋

寒八歸衡山

歐陽修

魯作關中客嘗窺百二疆自言秦隴水能斷楚人腸
失意倦京國羈愁成鬢霜何如伴征鴈日日向衡陽

和元晦

張栻

歸袂隨雲起籃輿趁雪明山僧苦留客世故却關情
小倚枯藤杖聊聽絕澗聲如何山下客一笑已來迎
福巖寺 前人

擲鉢峰前寺肩輿幾度來樓臺還舊觀杉檜撫新栽
湘水堂堂去秋山面面開徘徊千古思風壑有餘哀
高臺寺 前人

着屋懸崖畔開窓疊嶂秋半歆雲榭冷不斷石泉流
茗椀味能永竹風聲更幽平生版庵老得句似湯休
自方廣過高臺 前人

兩寺清聞磬群峰石作城風生雲影亂猿嘯月華明
香火遠公社江湖鷗鳥盟是中俱不着俯仰見平生
由西嶺行後洞山路 前人

西嶺更西路雲嵐最窈深水流千澗底樹合四時陰
幽絕無僧住閑來有客吟山行三十里鍾磬忽傳音
和元晦後洞山中晚賦 前人

石裂長藤瘦山圍野路深寒溪千古思喬木四時陰
更得尋幽侶何妨擁鼻吟笑看雲出岫維是此無心
自西園登山 前人

雨後溪重碧木落山增明西風蕭群物感此秋氣清
振衣千崖表俯瞰萬籟生匪云幽遐慕政尔未忘情

晨起霜晴

前人

晴嵐開岳鎮雲雨斷陽臺日出寒光迥川平秀色回
興隨天際鴈詩寄嶺頭梅盛事它年說憑君記一杯

用元晦定王臺韻

前人

珍重南山路驅羸幾度來未登喬岳嶺空說妙高臺
曉霧層層歛竒峰面面開山間元自樂澤畔不須哀

和擇之看雪

前人

岳背三冬雪真同不夜城野雲何晃蕩澗水助空明
行橐多新句青山有舊盟堂堂身世事渠謾說三生

贈上封諸老

朱熹

夜宿上封寺倏然塵慮清月明殘雪裏泉溜隔窓聲
宿衲今如許綈袍那復情爐紅虛室暖聊得話平生

祝融峰

前人

今年緣底事浪走太無端直以心期遠非貪眼界寬
雲山於此盡風袂不勝寒孤鳥知人意茫茫去不還

十五日再登

前人

江流圍玉界天影抱瓊臺杖屨烟霄外中崑日月回
箕山藏遁許吳市隱僊梅一笑今何在相期再舉杯

與友同登舉酒極談

前人

我已中峰住君從何處來莫留崑底寺經上月邊臺

濁酒團樂坐高談次第開前賢渺安在清酌寄餘哀
晨起霜晴

前人

比者無新夢南山有舊臺端能成獨往未肯遽空回
磴滑新經雪林深不見梅急須乘霽色何必散銀杯

祝融峰

佛印禪師

秋風吹拄杖直到祝融巔日極三千界肩摩尺五天
扶桑暘谷畔青草洞庭邊雲氣無遮障分明在眼前

合江亭

文天祥

天上名鷄尾人間說虎頭春風千萬岫合水兩三洲
客晚驚黃葉官閒咲白鷗雙江日東下我欲賦扁舟

湘江留別

前人

瀟湘一夜雨江海十年雲相見皆成老重逢便作分
啼鵲春浩蕩回鴈曉殷勤江濶人方健月明思對君
國朝

謁朱張二賢祠

駱堯知

夙駕初登岳從師几杖新江山開地軸溪瀟聽天鈞
採藥雲迷路板林月在身哲人應識我不是浪遊人

與衡邑令留別

張洽

瀟洒衡山尹公然道氣偏相逢人似玉惜別酒如泉
秋水雷家市江風烏石船集賢如可卜須共買山田

遊靜谷

戴加猷

宦况仍清冷幽尋入此中
泉飛晴日雨花落暮春風
猿鶴情悰雅芝蘭臭味同
岳雲送歸目遙到富春東

遊岳麓

前人

不作南遷客何因到此堂
心虛天共遠意足月俱涼
物色經秋澹江聲入夜長
曲肱聊假寐彷彿見朱張

雨霽登岳

前人

過雨山如沐看山及此時
合林通徑小斷靄露峰奇
遠覽防心障高登覺地危
遊觀存警策此意達人知

又

前人

天霽羣飛閣衣冠壯此遊
林雲晴作雨巒氣夏成秋
鳥並松岡語泉分藥圃流
箇中饒逸興峰頂瑞光浮

石鼓書院

朱維京

未討金科蹟先探石鼓文
千峰杯外落二水檻前分
古碣餘秦篆荒臺滯楚雲
西窻青一帶岳色遠氤氳

盤石庵

張勉學

名山饒勝地盤石是吾廬
一壑春常滿三生願已餘
松雲侵榻冷蘿月度窓
虛暇口頻過此焚香味道書

雞公庵

陳能

山深雲作雨石淺水生花
琪樹欺霜霰禪僧閱歲華

浪遊多過客幽隱是誰家擬約浮丘伯同來咽紫霞
南臺有懷 鄒善

閒聽山僧話群仙天與徒有時參石髓竟日坐松樞
抱一一何有觀空空亦無自憐撻世網高目睨方壺
坐兜率石上 前人

別有一乾坤雨餘竹樹繁蕭疎塵慮息寂寞道心存
危閣欹凌漢幽溪曲抱源暝來盤石上跌坐竟忘言

鴈峰

許宗魯

翠巘穿雲上青山田鴈峰江流分楚越風日間秋冬
野望隨天盡鄉心對酒濃雲霄羨陽鳥無翼爾相從

又

前人

近廓山林僻浮空竹樹開瀟湘滌素練雲物護丹臺
歲晚群芳歇天長旅鴈回遠遊思擬賦真愧屈平才
觀音巖 邊維垣

日晚共登臺浮雲萬里開鴈聲天外落蟾影海邊來
玉露團秋草銀河入酒杯相看幽意愜不必問蓬萊
衡岳僧 蔡潮

南臺無碍叟茹草幾年餘心靜寒灰似形履野鶴如
佛龕燈再續塵世跡應疎萬象芙蓉裏鍾更禮梵書
半山亭 范永參

小坐方亭靜雲深景自幽捲簾飛紫蓋俯几看湘流
塔接三千界峰迴八百洲祝融容易到望遠興還稠
前題 董策

石磴羊腸險雲門鳥道縣半山還翠蓋萬壑響清泉
爲聽高僧偈應憐對月眠還期登絕頂不負探幽玄

祝融峰

陳鳳梧

雲龜一片石千古是飛來縹緲臨風漱蒼茫試劔臺
中天紅日起遠岫碧雲開四顧無人跡惟聞猿嘯哀

上封寺

胡直

紫蓋接芙蓉層巒歷上封穿雲迷後侶失路聽前鐘

世界歸天眼烟霞入性靈天梯凌絕頂猶有最高峰

其二

前人

客有冷然興隨子躡紫烟狂歌希散聖宴坐見諸天
臥榻依南斗齋厨注細泉但同無愛染那用禮金僊

李鄴侯隱居

尹臺

舊宅迷黃葉荒基指碧岑高賢不可見流水暮烟深
石折懸蛇逕雲霾伏虎林相唐垂大業往迹嘆而今

住方廣

羅洪先

坐石忽忘去買山無後期不憐生是寄翻以愛爲悲
門憶曾題處松看初長時千年風與月來者自棲遲

訪方廣大方靜室

前人

一徑遠微微深林自掩扉結茅隣虎穴積葉臥牛衣
苦藥朝存食寒藤夜獨歸無心答問語誰辯萬緣非

上封

羅洪先

絕地敞龍宮千峰擁祝融烟雲遙泛海樓閣盡懸空
盤俯湘中樹窓來天際鴻不須談棄屐雙鳥正乘風

祝融絕頂石

前人

雲路轉高寒秋空入大觀石從銀漢取樹傍白榆看
忘語天休問齋心露可餐不因遊象外那解出塵難

穿雲入方廣

前人

雲裏度遙岑臨虛逕轉深石迷多伏虎樹隱獨聞禽
乍識爲霖意誰明出岫心鴻蒙如解語吾欲寄璫音

出方廣

前人

齋心踰一七經義破三千黃葉石問路青松山下泉
客遊朝復暮禪定日如年回首鍾鳴處深林隔四天

前題

高簡

石廩迎天柱金蓮湧地維招提秘邃壑賢哲洽襟期
日月迴鳴澗乾坤付奕棋誰餐金光草長此寄鷓枝

前題

歐陽繼

信宿留方廣秋容別市城高風寒葉墮新月夜堂明

蟲韻偏依石螢飛却近楹與僧談夢幻真覺愧浮名

南臺

謝邦信

共說南臺勝班荆得賞音倚闌星宿近下榻白雲深
碧篠環山玉黃精布地金水簾風動夜病骨覺寒侵

次念菴太史韻

陳慶

登山殊不厭祗恐負幽期一入諸天寂能忘萬劫悲
澗深龍臥處松老鶴來時竊憶朱張會因憐躡履遲
結亭兜率庵後宴坐有懷

盧星野

名岳應星躔幽溪隱法筵高人來結屋野客坐聽泉
翠竹今誰主丹巖夙有緣盧敖天外去暫借幾回眠

南臺

常守成

峰下南臺寺秋霄借榻眠星河垂近牖鐘磬下遙天
紫殿猶傳古丹丘可問僊夢遊何處所疑到白雲邊

方廣謁二賢祠

劉穩

向來懷板屋今日慰心期賴有斯文在能無絕學悲
雲山迢遞路風雪唱酬時此意憑誰會悠悠歸去遲

其二

前人

清晨度翠微傍晚扣禪扉月上蓮花頂雲侵薜荔衣
古祠芳草合高樹暮禽歸爲憶經行處紛然岐路非

南臺

何止

山頭初歇雨，趁暖過南臺。僧老青松外，泉鳴翠壁隈。
苦心尋石煉，薄分愧雲開。虛閣沉吟罷，登峰客又催。
暮投方廣寺 張居正

白雲處處滿，行子暮何栖。不辨幽林色，惟聞歸鳥啼。
虛巘映靈籟，人語隔前溪。夜宿莊嚴境，明珠照客迷。
訪大方禪僧 前人

煙雨曉微微，山僧未啓扉。花壇分石髓，苔壁掛牛衣。
揮麈頻聞難，停杯已忘歸。曹溪一宿後，真覺夙心非。
方廣燕坐 前人

幽懷何所託，長與薜蘿期。聽法過祇苑，皈心禮大悲。
壑晴雲起處，松暝鶴歸時。此意人先覺，吾來已較遲。
遊南岳 王京

振衣南岳寺，幽絕景偏多。石几堆紅葉，禪床近碧蘿。
憑虛立遠眺，適興自高歌。極目秋空澹，悠然一鳥過。
超然亭 呂希周

綉壁懸千丈，超然見此亭。江燈山外起，鉄笛坐中聽。
醉眼憐行屐，高歌倚石屏。飄飄忘去住，明月且須停。
登祝融峰 林茂桂

赤帝乘離位，中峰最上頭。振衣南斗近，縱目紫冥收。
彷彿迎朱鳥，憑陵跨玉虬。長風如可馭，四岳任遨遊。

峰頂雪樹

前人

積雪逢新霽峰高群玉寒千巖懸石乳萬樹簇琅玕
枝厭白龍舞條垂素鳳蟠瓊膏堪澤骨采和碧霞餐

望岳

劉堯誨

臨武人

曾愛頭陀記秋風此日身夢回蒼水使書絕魏夫人
白石山中飮黃芽世外春金門須大隱歸志豈思尊

宿上封寺

前人

祝融望不極百道飛靈泉海日流珠急天風孤嶼懸
神開金簡秘僧飽石糧眠莫怪耽空寂功成別有緣

宿南臺寺

前人

南州啓淨土歷劫到雲岑色界三千幻祇園雙樹深
軒開虛受月禪定靜鳴禽未了西來意難安去住心

朱陵洞

前人

慣熟山前路行吟人不疑欄迴青障合雲湧碧簾垂
石髓浮春酌金光動曉曦玄虛不可覓歌枕問希夷

二賢祠

前人

昔賢勤仰止風雪此山堂秘迹窮玄覽微吟入混茫
燈傳千聖慧鉢洗九溪芳已矣吾何適祠前秋草長

九鶴觀址

曾朝節

臨武人

翩翩九羽客騰躍在珠庭福地空殘礎仙踪只落星

燒丹應秘術鍊氣總遺形雅尚紅塵外誰傳相鶴經

觀日

伍讓郡人

策杖臨丹巘捫參出半空露疑仙掌白霞泛海門紅
秋色三山外陽輝萬島中應須擎紫蓋飛向若華東

岳遊卽事

前人

褰帷看岳色上下歷山原曲磴穿雲竇清泉漱石根
梵宮塵不到虛壑霧相吞况有煙霞客幽期可共論

宿方廣

前人

良夜同僧話燈明古佛前雙林濯露冷一榻和雲眠
真境原無礙塵勞徒自牽欲知清淨理看取碧山蓮

天聖巘

前人

策杖凌丹巘穿雲度石橋危樓懸樹杪曲磴倚霞標
返照明金像輕風引玉簫忽聞中夜雨一洗俗塵消

宿天聖閣

前人

高閣倚巘邊松林宿暝煙星河搖戶牖夜雨滴秋泉
覺夢元非俗清虛似欲仙曉來鍾磬發稽首世尊前

登申仙人石室

前人

石室縱層霄雲山入望遙丹成雙鶴下道大百靈朝
秋老巘前桂風傳天外簫探竒欲未已明月坐相邀

送念都道人入南岳

前人

衡岳七十二處處足煙霞採藥經何地眠雲卽是家
朝看滄海日暮倚玉壇花待得丹成後安期棗似瓜
贈了空上人
前人

閒情同野鶴遠意任煙霞挂錫依湘浦經行轉法華
山空青倚戶地僻鳥啼花一榻安禪久南宗路豈賒
贈九龍盆僧
前人

選勝靈巖側幽棲不記年齋心依淨域清磬發諸天
寶地花盈砌香厨竹引泉觀空塵不染應悟石頭禪
登南臺訪舊僧聽琴有感
王之屏
郡人

偶停塵外策忽聽隔窻琴在世能超劫移嶽解証心
餘生歸鹿苑大道隱珠林鏗尔高臺上躊躇戀夕陰
登南臺次父韻
何道求
郡人

福嚴攀蹬倦晚憇向南臺輿轉盤松徑雲生煨芋隈
尋吟賡舊韻望霽喜今開餐畢分僧榻夢殘曉磬催
再宿上封
劉際炎
臨武人

炎歊舒爽氣徙倚白雲封飛蓋追玄鶴凌煙架赤龍
祝融瞻帝極蒼水仰朝宗億劫神霄外光天拜舞重
訪獅子巖無礙遺踪
前人

扶筇凌絕巘訪古迹蒼然啖菜披蘿月誅茅斷壑煙
臺層雙礎潤貌古一燈傳深夜來清梵潮音近九天

遊岳訪三際瑞光兩上人

劉亨甲臨武人

木落看山色泉飛作雨聲嶺危修徑窄秋爽曉霜清
爲訪遠公社來尋議祖盟相期了俗障從此結三生

秋夜宿兜率寺

趙良相郡人

萬岫含烟暝于中別有天磬隨清梵遠岩傍慧燈懸
月挂臺心鏡雲流石底泉坐來塵慮淨不寢欲安禪

又

前人

捫蘿躋峻坂倚杖憇人天籟淨松風度雲孤海月懸
踈樞空大地欹枕漱飛泉况有尋真侶聯床可證禪

望五峰

前人

五峰春欲暮閒步訪僧房隔水踈鐘度疑眸爽氣長
松花飛淨土樹影卧斜陽自是昆盧境悠悠歲月忘

坐講經臺

鄭祖詩臨武人

林深習靜所臺畔倚烟霞野鶴頻來往山僧共結咖
風前翻貝葉會上散天花消却紅塵慮皈依禮法華

登衡岳絕頂

前人

山勢吞吳楚峰高萬籟殊秋深天柱老夜半月巖孤
雲色兼霞淨泉聲帶雨粗箇中清冷趣自是小寰區

望衡岳

柯文

行盡衡湘路方知南岳尊衆山皆地伏一柱入天門

辰極遙分位炎荒近吐吞無由起瀟霍一訪此靈根
遊岳 劉經筵

衡岳千峰赴峻嶒勢倍雄天遙秋落鴈石峻晝飛虹
赤殿明初日蒼松度晚風徘徊饒逸興杖履勝青驄
望岳 改稿 徐汝霖

岳望高無際危亭入半雲路疑千嶂合天若一山分
谷響樵傳語峰斜日欲曛登臨如有待徒倚對炎君

贈衡山令

裴說

君吟十二載辛苦必能官造化
猿眺高岳靜魚擺大江寬與我爲同道相晉夜話闌

憇上峯寺禱月華

嶺南溫臯謨

藍輿凌翠巘皓彩絢丹丘迥與人寰隔翻疑天漢游
尊開銀世界杖倚玉岫嘍觀月占晴色葱葱佳氣浮

遊羅浮有懷南岳

仙傳云羅浮爲南岳前洞 鄧雲霄

地脉通南岳仙源迥不分振衣臨倒景揮手弄飛雲
望望朱陵氣霏霏赤玉文願騎五色鳥遠訪祝融君

登南臺

張大訓

孤吟天霽閣竚想昔賢蹤塵靜山中寺雲開戶外峰
清泉分石視白鳥臥高松林薄聞人語真仙或可逢
雨阻不得登岳 李遷

白雨隨車至天應薄漫遊孰知千里興翻爲片雲留
樹色侵衣濕山光隔幔流無因借颺吹飄忽暝烟收
圓寧僧房 邊維垣

一僧幽卧處但見白雲深采藥爾何去扶筇我獨臨
寒花連竹逕秋水照松陰眼界俱無染因之生道心
遊兜率菴 張守約

名山多勝槩幽谷最奇觀樹色千林曉泉聲六月寒
仙橋通古剎松徑隱經壇修竹池亭上流觴憶懶殘
集賢書院留別 蔡潮

斯文聯一脉骨肉豈虛言聊以官行教終難法勝恩
吐懷應信我語別欲銷魂夾道舉帷問前途許及門
南臺寺 丁致祥

借榻南臺寺西巖落日初聖燈遙破暝高閣迥憑虛
佛供籠林果僧厨饌野蔬開窓山月白照見壁頭書
南臺寺 易舒誥

懸崖千尺閣時眺抄秋初直上最高處恍然聞步虛
燭流經宿火盤出未嘗蔬此是清涼境宜藏貝葉書
新秋登迴鴈峰 鄧雲霄

城郭晚蒼蒼蟬聲送早涼薄遊同逐客作賦擬哀湘
鄉信南來斷江流北去長高峰爾何意不遣鴈隨陽

半山亭

曾紹榮

屐躡衡峰頂祝融此半山路猶經下界境已別塵寰
上去應如許登臨總不慳亭中宜少憇何用想躡攀

集賢書院

前人

峰自群賢集跡偏岫嶠留後先同紫府伏臘總丹丘
門倚雲開敞牕當雪霽浮愚生勤仰止懷古思悠悠

湘江舟中望南岳

鄧雲霄

仙峰七十二紫蓋氣偏驕縹緲如飛去昂藏獨不朝
聽殘湘女瑟腸斷翠鸞簫何日憑雲宿金丹浴月飄

過半山亭

管大勳

始向平厓立蒼茫氣色分勝遊偏霽雪靈曉自開雲
迴鴈遙空度鳴泉絕壑聞此中堪大隱猿鶴即為群

再訂石鼓之約

沈鈇

白社聯星聚青尊傍夜開雲隨湘水去春逐講堂回
把袂原同調論心更舉盃匣中龍劍合雲雨共登臺

洗衲池

李燾

寶地山環碧珠林瀑獻奇一泓開宿海三峽到天池
丹鼎銀為冶龍頭雪作髭從來堪洗衲即此濯纓宜

方廣龍潭

劉廷福 郡人

山寺龍神穴相傳幾百年聽經隨八部護法擁諸天

岸繞金沙細池開玉鏡圓明珠人不見夜照佛筵前

大坪寺

劉官 郡人

香閣千盤上丹梯一徑懸洞門和霧入石室與天連

貝葉開龍藏瓊花布法筵茲山實靈異吾欲學參禪

玉清洞

劉官 郡人

開士何年至尋雲鑿洞房鳥依懸塵壁藤蔓閉關床

古塔明珠伏陰崖石鏡光上方隨意去處處有天香

陪楊止菴年兄登祝融

歐希稷 郡人

杖策隨仙侶穿雲到上封浮空晴色澹出岫暮烟濃

活劫三生話心知一笑逢憑欄看下界青翠削芙蓉

登南臺夜聽林籟

王之屏 郡人

大竅原吹萬淒清併入林風簾參玉笛月幌映孤琴

谷靜疑玄牝禽來亦鼓音聲味都忘後瀟然敞素襟

登衡岳

鄺祖禹 臨武人

翠靄南山麓層巒似畫圖飛泉晴亦雨吐霧密還孤

五色時光現中天半有無何須覓海上此地即蓬壺

坐講經臺

黃華勳 郴陽人

結構成精舍支撐傍斗台迷津憑筏渡覺路借繩開

護法龍歸鉢聞經鳥集臺月明諸品淨何處惹纖埃

望日臺

袁伯璣 郴陽人

混沌何年闢蓬壺此地幽客因觀日到仙欲御風遊
採藥雲生屐捫蘿霧溼裘吾將解世網隨分老丹丘

宿上峯

前人

竹枝來方廣繩牀宿土封高低黃葉路隱見白雲峰
月度歸林錫風吟隔寺鐘登時塵想寂箕踞坐長松

衡岳禱詠

張文光

深祕朱陵洞高危紫蓋峯綠肥千歲竹碧長萬年松
隱隱藏靈恠時時現虎龍鴈鴻飛不過綿亘白雲封

訪衡山廖凝山居

李建勳

郢地相尋夜荒山雪灑篙虛堂看回曙吟坐共忘勞

溪凍聲全減燈寒焰不高他人莫相笑未易會吾曹

五言絕句

唐

寄南岳客乞靈蕪香

陸龜蒙

聞說融峰下靈香似反魂春來正開采試為斲雲根

賦南岳廟

袁氏少年

峰巒多秀色松桂足清聲自有山林趣全忘城闕情

半山亭

朱景玄

中峰上翠微牕曉早霞飛幾引登山屐春風踏雪歸

白龜泉

皇甫渙

靈臺塵不止塵止非靈臺愛此一泓水曾植靈物來

題金牛石壁

無名氏

手持黃鶴來脚踏金牛背塵世無人知白雲久相待

宋

衡山書樓

朱熹

君家一編書不自圮上得石室寄林端時來玩幽蹟

雲峰寺

盧肇

朔風振林壑樓臺虛無間半夜雲開月流水滿空山

題岳麓

趙抃

雨久藏春蠹風高老屋斜隣居盡金碧一一梵王家

拜岳石

前人

片石倚中天雲深鳥道間人多視堯壽登此拜南山

國朝

開雲樓

尹臺

熙陽布麗景宿雨散層陰因嘆開雲日悠然思古今

岳山雜味

管大勳

丹沙揚金光夕晦如秉燭共道聖燈來明星朗相耀

又

前人

飛泉噴若雷白日勞青嶂舉頭看玉龍倒掛層崖上

又

前人

魏役收殮餘啖芋出糞火度世有高僧色相不在我

將發方廣

李壽

蕭散出塵網來為廿日遊誰知山寺裡別自有滄洲

自方廣還衡陽舊署

前人

愛靚慈青蓮衣猶染紫烟兒童驚兩着倉素復添玄

七言古風

唐

送陳郎將歸衡

李白

衡山蒼蒼入紫冥下看南極老人星迴風吹散五峰
雪往往飛花落洞庭氣清岳秀有如此郎將一家拖
金紫門前食客亂浮雲世人皆比孟嘗君江上送行
無白壁臨岐惆悵若為分

朱鳳行

杜甫

君不見瀟湘之山衡山高山巔朱鳳聲嗷嗷側身長
顧求其曹翹垂口噤心甚勞下懸百鳥在羅網黃雀

最小猶難逃願分竹實及螻蟻盡使鷓鴣巢相怒號

祝融般若禪師

劉長卿

般若公般若公負鉢何時下
祝融歸路却看飛鳥外
禪房空掩白雲中
桂花寥寥閒自落
流水無心西復東

寄南岳靈徹上人

劉禹錫

釋子道成神氣閑
住持會上清涼山
晴空禮拜見真像
金毛玉髻卿雲間
西遊長安隸僧籍
本寺門前曲江碧
松間白月照寶書
竹下香泉洒瑤席
前時學得經綸成
奔馳象馬開禪局
高筵談柄一麾拂
講下門

徒如醉醒舊聞南方多禪老
次第來入金門道
荆州本自重諸天
南朝塔廟猶依然
宴坐東陽枯樹下
經行居止故臺邊
忽憶遺民社中客
爲我衡陽駐飛錫
講罷同尋相鶴經
閑來共蠟登山屐
一旦揚眉望沃州
自言王謝許同遊
憑將雜擬三十首
寄與江南湯慧休

祝融峰

韓愈

祝融萬丈拔地起
欲見不見輕烟裏
山翁愛山不肯歸
愛山醉眠山根底
山童尋着不敢驚
沈吟爲怕山翁喚
夢回抖擻下山去
一逕蘿月松風清

峒嶺峰

前人

峒嶺山尖神禹碑字青石赤形模奇科斗拳身薤葉
披鸞飄鳳泊舞蛟螭事嚴跡秘鬼莫窺道人獨上偶
見之我來咨嗟涕連瀉干搜萬索何處有森森綠樹
猿猴悲

謁南岳廟遂宿岳寺題門樓 前人

五岳祭秩皆三公四方環鎮嵩當中火維地荒足妖
恠天假神柄專其雄噴雲泄霧藏半腹雖有絕頂誰
能窮我來正值秋雨節陰氣晦昧無清風潛心默禱
若有應豈非正直能感通須臾靜掃衆峰出仰見突

兀撐青空紫蓋連延接天柱石廩騰擲堆祝融森然
魄動下馬拜松栢一徑趨靈空粉墻丹桂動光彩鬼
物圖畫填丹紅升階偃僂荐脯酒欲以菲薄明其衷
廟令老人識神意睢盱偵伺能鞠躬手持環玦道我
擲云此最吉爲難同竄逐蠻荒幸不死衣食纔足甘
長終王侯將相望久絕神縱欲福難爲功夜投佛寺
上高閣星月掩映雲腫龐猿鳴鍾動不知曙杲杲寒
日生於東

岳麓寺

沈傳師

承明年老輒自論乞得湘守東南奔爲聞楚國富

水青嶂遞迤僧家園含香珥筆皆眷舊謙挹自忘臺
省尊不令執簡候亭館直許携手遊山樊忽驚列岫
晚來通朔雪洗盡烟嵐昏碧波迴嶼三山轉丹檻繚
郭千艘屯華鑣蹀躞狗砂步大旆綵錯輝松門樛枝
競鶩龍蛇勢折幹不滅風霆痕相重古殿倚巖腹別
引新徑縈雲根目傷平楚虞帝魂情多思遠聊開罇
危絃細管逐歌颺畫鼓繡靴隨節翻鏘金七言凌老
杜入木八法蟠高軒嗟余潦倒久不利忍復感激論
元元

國朝

送何生鴻遊岳

湛若水

吾聞衡岳有五峰十年磊落吾胸中去春春風送我
游梯上雲雨迷行踪迴車神遊十一拍拍拍縹緲鞭
蒼龍何生何生仙骨何神通先我飛錫駐祝融祝融
君須我問訊朱明小憇待秋風何生毛骨本仙侶許
執几杖還相從許執几杖還相從吾將拉子游無窮

仰南岳

李夢陽

我所仰兮在衡山側身南望阻荆關祝融峯亭心悲
酸仙人贈我赤瓊丹婆婆挂樹山之間我欲從之途
路難南望洞庭涕潺湲

望月臺

孫應鰲

望月臺古雲霧棲靈圖秀發祝融西人間朗晷已落
 盡此地清光猶未低我聞佳境特疑眺霧散雲開歛
 幽妙虛明夜色蕩初晴錯落霽華浮曉照曉照亭亭
 月漸中南山桂發映寒叢碧流水壑陰平布素展星
 河影乍空春風微微琪草茁縹緲湘靈來鼓瑟望而
 不見起長嘆欲賦青峰轉愁失浮杯几席洞庭涯海
 外三山不可期坐惜周年憐急景惟應明月最相知

南岳

何孟春

衡山兀立炎州宗主峰萬丈名祝融朝廷往往降香
 幣廟貌翼翼何尊崇時朝重華駕朱鳥蒲山松檜吹
 迴風名儒流落何曾郵開情特迓昌黎翁文公來時
 方水雪將返星宿羅長空顯示生前伯昏翳身後此
 道明無窮我魯帝傍製雲錦機杼斗柄梭飛龍勅携
 花樣賁下土手法不與人間同自憐水陸困奔走誰
 似海岳能包容此行叅謁望靈庇早晚羈絏歸山中
 薄雲不用有深意退路坦坦無災凶乾坤文繡自珍
 襲吐氣五色成長虹稔聞神仙蒸絳闕久缺樂府聲
 蒼穹步虛數闕焚案上新響傳遞鈞天宮

禹碑歌

楊慎

行古志
 卷之七
 六十一
 才

神禹碑在岫巘尖祝融之峰凌朱炎龍書傍分結構
古螺書匾刻戈鋒銛萬八千丈不可上仙肩鬼閉幽
以潛昌黎南遷魯一過紛披芙蓉寒水簾天莊夜瞰
星斗下雪堂朝見陽輝暹追尋夏載赤石峻封堙古
刻蒼苔黏奉科倒薤形已近鸞漂鳳泊辭何綴畫水
流傳世應罕青字名狀人空瞻永叔明誠兩好集
古金石窮該兼昭列箴銘暨款識橫陳陳旣躋續登贊
胡爲至寶反棄置招摭磨蟻損烏蟾又聞朱張遊岳
麓霽雪天風飄佩旌搜竒索秘跡欲徧春偈懂和詩
無厭七月崎嶇信有觀一字亭馥家志拈非關嶠峴

阻登陟定是藤葛籠窺峴好古予生嗟大晚拜嘉君
貺情深快老眼增明若發覆八喙禁斷如施箝七十
七字挈螭虎三千餘歲叢蛇蚺憶昔乾坤漏息壤蕩
析蒸庶依苓椽帝嗟懷襄咨文命卿佐洛洞分憂倏
洲并渚混沒營窟鳥逆獸迓交門簷榻來南雲又北
焚直磬西被仍東漸黃熊三足變絃服白狐九尾歌
麗神後乘包湖按玉牒前列溫洛呈疇輓永奔竄舞
那辭牴平成天地猶垂謙華岳泰衡祗鎮定鬱塞昏
徒逝喁喩文章絢爛懸日月風雷呵護環屏黔君不
見周原石鼓半已泐秦湫詛楚全皆藏此碑雖存豈

易得淳有嵐靄峰堪巖足音迥絕柱杖藜蒼弔影颺瑟
森穠柝湘娥遺珮冷斑竹山鬼結旗零翠筵造物精
英忌泄露祇恐羽化難留淹欲摹古本鐫巖壁要使
好事傳細縑著書重訂琳琅譜裝帖新耀瓊瑤瑤籤麝
煤輕翰蟬翅榻煩君再寄西飛鶴

南岳山歌

管大勳

祝融高高不可上出地九千七百丈層巒羅列挿丹
丘千里崢嶸排青嶂西起岷峨接海嶺東走江越連
吳會南條之山誰最尊俯臨五嶺北入柱沅湘流夾
迤邐來下注七澤洞庭開華恒嵩岱爲馬足擬雄都作

鎮真崔嵬自從黃帝分疆域虞舜南巡遵岳麓岫嶽
禹蹟揭穹碑祀典靈祠代修復朱鳥翩翩集崆峒古
極閃閃燭長空巨靈轟轟通碧落群仙裊裊會飛虹
千盤萬疊如伏虎聳如龍翔與鳳舞紫蓋香爐不可
攀靈禽石困流傳古上有青玉壇下有珊瑚芝封嵐
夕暝鬱不散晶光搖映天風吹君不見峻極亭火雲
崑崙摩列星峰頭丹竈閉積雪盤古神仙今誰靈又
不見朱陵洞珠簾千尺掛飛竦中有幽人醉石眠醒
特閑把清泉弄我來登山興悠哉雲披雨霽無纖埃
虛明到處藏僊窟儵然欲跨青鸞回俯仰乾坤同一

息兀立中峰看秋色氣吞五岳欲凌風何似神遊遍
八極

謂衡岳次韓昌黎韻

岳和聲

岳雲默禱開文公突劃鴻濛界天中靈氣高寒矗萬
古斯人傲兀與之雄九向九背七百里崎嶇巖業窮
無窮竭來支筇望冥宿嶺嶺兩腋凌罡風茫茫九域
挺八柱旁礴孤撐帝座通上割昏曉搏日月俯散崕
嶮點青空遠浸洞庭插倒影蒸湘瀆沅澹冲融千峰
刻露嵌幽崖往往光怪逗神宮拖藍挹翠碧于染暈
飛翼翼間殷紅春雨連旬悵泥阻采蘋一薦秋心予衷

千載韓劉與柳子甲夜恍惚歡逢躬把臂為問岐中
岐百年碁局將無同浮雲幻變歷今古了者應知洞
始終五丁移石滂自勞精衛填海難為功相期特上
望日峰夜半扶桑躍朦朧黃茅青雨龍水客家在衡
陽東復東

大觀樓歌

壬子仲春落成携郡邑諸公同登賦

鄧雲霄

縱橫千里目浩蕩萬古心乾坤何寥廓山水自高深
樓頭縹緲諸天近玲瓏八面祥飈引誰言新成來賀
燕祗恐孤騫如結屐披襟臨水攬蒸湘揮手憑空捫
翼軫遊絲搖曳扇微和城郭郊廛樂事多正看晴景

浮烟樹又送春聲入棹歌棹歌殘漁歌起紫蘭落遠
洲斑竹垂清泚白雲片片自南來借問蒼梧何處是
微茫七澤盤心曾凭欄一嘯生雄風我欲挾赤帝鞭
赤龍劃長空而倚劍蹴天山而掛弓平生慷慨羞懷
土去國懶栽王粲賦平生散慢恣豪狂興來還踞庾
公床世上人空老壺中日自長爭名與爭利臧穀俱
亡羊君看醯鷄不出甕亦有鵬背摩青蒼誰是誰非
園吏夢無憂無喜麴生鄉我爲登樓歌高聲振林木
曾聞芥子納須彌肯道吾身同一粟幕天席地無邊
幅倦來且抱希夷宿

七言排律

唐

岳麓道林二寺

杜甫

玉泉之南麓山殊道林林壑爭盤紆寺門高開洞庭
野殿脚插入赤沙湖五月寒風冷佛骨六時天樂朝
香爐地靈步步雪山草僧寶人人滄海珠塔剎宮墻
壯麗敵香厨松道清淨俱蓮花交響共命鳥金榜雙
迴三足鳥方丈涉海費時節玄圃尋沙知有無暮年
且喜經行近春日兼家暄暖扶颺然斑白身奚適傍
此煙霞茅可誅桃源人家易制度橘州田土仍膏腴

德壽志 卷之七 二十四
潭府邑中甚淳古太守庭內不喧呼昔遭衰世皆晦
迹今幸樂土養微軀依止老宿亦未晚富貴功名焉
足圖久爲野客尋出慣細學何顯逸興孤一重一掩
吾肺腑山鳥山花吾友于宋公放逐魯曾題壁物色分
留與老夫

道林寺

石門迥接蒼梧野愁色陰深二妃寡廣殿崔嵬萬壑
間長廊詰曲千巖下靜聽林飛念佛鳥細看壁畫馱
經馬暖日斜明啼螿梁濕烟散羃鴛鴦瓦北方部落
檀香塑西國文書貝葉寫壞欄迸竹醉好題窄路垂
藤困堪把沈裴筆力闢雄壯宋杜詞源兩風雅他方
居士來施齋彼岸上人接結夏悲我未離擾擾徒勸
我休學悠悠者何時得與劉遺民同入東林遠公社

祝融峰

黃庭堅

萬丈祝融插紫霄路當窮處駕僊橋上觀碧落星辰
近下視紅塵世界遙螺篴山低青靄靄線拖水遠綠
迢迢當門老檜枝難長絕頂寒松葉不凋纔到秋初
霜已降每逢春盡雪方消偃巖老衲針常把度夏禪
僧扇懶搖龍向池邊施雨澤鳥於窓外奏簫韶遊人

未必常居此暫借禪房宿一宵

卷之七終

衡岳志卷之八

分巡上湖南道僉事東莞鄧雲霄編刪

衡州府知府長泰楊鍾英

衡陽縣知縣清江羅夢暘

衡山縣知縣汜水何登高同訂

鄉紳禮部郎中耒陽曾鳳儀輯纂

衡州府學生貢王邊寧

衡陽縣學生貢王國泰

劉經筵

臨武縣學生貢鄭祖詩

郴州 學生負袁伯璣同校

七言律詩

唐

送殿直雷承昊奉命衡陽 仙人石恪

衡陽去此正三千 一路程途甚坦然
深邃門墻三楚外 清風池館五峰前
西邊市井來商客 東岸汀洲簇釣船
公退只應無別事 朱陵後洞訪神仙

贈謝武陵葺白雲菴

曹道冲

桃源洞口武陵人 跳出紅塵二十春
但喜白雲深有趣 不知青眼近來親
丹砂已向坤爐伏 玉液先從坎鼎勻
活計一張焦尾外 碧壇三尺禮南辰

送李敖岳南書記

郎士元

憐君本與阮家同 掌記能資亞相雄
入楚豈忘看淚竹 泊舟應自愛江楓
誠知客夢烟波裏 肯厭猿鳴夜雨中
莫信衡陽書不到 年年秋雁過巴東

贈南岳僧

李遠

曾住衡陽岳寺邊 門開江水與雲連
數州城郭藏寒樹 一片風帆著遠天
猿去不離行道處 客來皆到臥床前
今朝惆悵紅塵裡 惟憶閑堂盡日眠

贈南岳隱禪師

司空曙

擁褐安居南岳頭，白雲高寺見衡州。
石牕湖水搖寒月，楓樹猿聲報夜秋。
講席舊逢沙鳥至，梵經初向竺僧求。
自知身老將傳法，因下人間遂北遊。

送曲山人衡州

前京人

白石先生眉髮光，已分甜雪飲紅漿。
衣巾半染煙霞氣，語笑兼和藥草香。
茅洞玉聲流閣水，衡山碧色映朝陽。
千年城郭如相問，華表峩峩有夜霜。

憶衡岳曠上人院

前京人

閉門不出自焚香，擁褐看山歲月長。
雨後綠苔生石井，秋來黃葉遍繩床。
身閑何處無真性，年老曾言隱故鄉。
更說本師同學在，幾年携手見衡陽。

寓南岳傷呂衡州

劉禹錫

一夜霜風凋玉芝，蒼生絕望士林悲。
空懷濟世安人畧，不見男婚女嫁時。
遺草一函歸太史，旅墳三尺近要離。
朔方徒歲行當滿，欲為君刊第二碑。

得盧衡州書因以詩寄

柳子厚

臨蒸且莫嘆炎方，為報秋來鴈幾行。
林邑東廻山似戟，牂牁南下水如湯。
兼葭浙瀝含秋霧，橘柚玲瓏透夕陽。
非是白蘋洲畔客，還將遠意問瀟湘。

授連州至衡酬別

前人

去國十年同赴召，湘江千里又分岐。
重臨事異黃丞相，三黜名慚柳士師。
歸日併隨迴雁盡，愁腸正遇斷猿時。
桂江東過連山下，相望長吟有所思。

衡陽與夢得贈別

前人

十年憔悴到秦京，誰料翻爲嶺外行。
伏波故道風烟在，翁仲遺墟草樹平。
直以慵疎招物議，休將文字占時名。
今朝不用臨河別，垂淚千行便濯纓。

經過南岳留別許真人

曹唐

九點秋烟黛色空，綠華歸思頗無窮。
每悲馭鶴身難任，長恨臨霞語未終。
河影暗吹雲夢月，花聲閑落洞庭風。
藍絲重勒金條脫，留與人間許侍中。

秋日留別南岳義初上人

羅鄴

寒寺窮秋別遠師，西峰一雁倍傷悲。
每嗟塵世長多事，重到禪齋是幾時。
霜嶺自添紅葉恨，月溪休和碧雲詞。
關河迴首便千里，飛錫南歸詎可知。

九日陪董內詔登南岳

張泌

祝融峰下逢佳節，相對那能不愴神。
烟裡共尋迷澗菊，樽前俱是異鄉人。
遙山帶日應連越，孤鴈來時想別秦。
自古登高盡惆悵，茱萸休笑淚盈巾。

方尊師歸南山

王維

仙官欲往九龍潭
旛節朱幡倚石龕
山壓天中半天
上洞穿江底出
江南瀑布松杉常帶雨
夕陽蒼翠忽成嵐
借問近來雙白鶴
已曾衡岳送蘇耽

送秦禪師歸衡岳

齊己

石龕閑鎖白猿邊
歸去途程半在船
林簇曉霜離水
寺路穿新徑入山
泉已尋嵐壁臨空盡
却看星辰向地懸
有興寄題紅葉上
不妨收拾別爲編

宋

宿南臺寺

張杲

香閣珠林倚半天
兩人相對岳峰眠
羌村秉燭翻疑
夢緜嶺乘鸞似下
仙雲伴瘦筇過絕壁
風傳清嘯隔蒼烟
攸江亦有山陰興
莫使虛迴半夜船

祝融峰

姚希聲

萬山環拱祝融尊
紫蓋前趨若駿奔
火德中天扶日月
炎方一柱鎮乾坤
久無執贄來侯服
空有穹碑立廟門
北望中原青一點
淒其四岳正塵昏

送單大師歸岳

王欽若

玉書颺馭降神州
樓觀丹臺選道流
崑谷難藏猿鶴
性吟懷終戀水雲
幽晚程冒雪瀟湘渡
採藥沿溪舫

魁舟乍到楚鄉應動念十年人物半沉浮
國朝

憶南岳

楚武岡王

平生遙憶祝融峰青黛常浮雨後容
五老嶙嶙遙並秀三湘浩渺盡朝宗
當年高隱仙人躅此日誰食石
洞松安得扶筇凌絕頂白雲堆裏聽鳴鐘

靜居寺

茹常衡山人

淨居巖畔古溪傍風日清和景異常
剡竹引泉爲曲水移床近石飲流觴
右軍記在聲名重刺史文留光
歎長今古情懷同一致諸公何以詠時康

登衡岳

鄺楚宜章人

千丈芙蓉帶露看紫雲丹壑並噴岬
烟光洞有雙珠拆岳色秋臨九塞寒
岐路車塵行較老瑤壇石髓待誰餐
驅馳莫道無靈氣天柱西風好挂冠

登衡山

鄧庠宜章人

蕭颯松風夏亦寒琮琤泉溜灑飛湍
一杯滄海寰中見九點齊州頂上觀
蘭茝着花香馥郁峰巒新雨翠噴岬
昌陽石髓堪延壽相伴丹霞向曉餐

岳麓

李東陽

衡岳地蟠二百里群峰將斷復崔嵬
岩前古剎依山

轉谷口晴雲滿樹來北海書存誰問價少陵詩罷獨
憐才扁舟已謝長途險又是風流一度回

峇文衡山內翰書歸舟中寄謝若水

紫雲洞口紫雲臺居士前身亦姓回半夜長庚騎鶴
過五峰明月待公來二月三月春之半千山萬山花
正開獨坐乾坤誰伴侶及時相賞共追陪

追憶朱張雪中宿方廣西風次羅洪先

青蓮結宇白雲隈大士何年說法臺瀑水峰頭堪獨
往石房松下定誰開深潭梵雨龍能聽別院分齋鳥
自來立雪石有靈人不見山高歲晚重遲迴

登祝融

喬瑛

青鳥無聲皓鶴閑祝融峰在九霄間蒼茫海上千年
樹隱曜江南萬疊山玉澗龍眠雲冉冉月壇仙下佩
珊珊塵紛未得頻來此細向元君問大還

思大和尚

廖道南

懸崖飛閣凌千仞落日停輦宿上方萬壑松風鳴梵
宇一龕燈火對禪床懶殘踪迥雲門外無碍功成石
室傍若使少陵重寓此幽期不減贊公房

岳廟

前人

南岳崔嵬天上開亂峰層疊小蓬萊兩間淑氣鍾炎

德萬古虹光照碧台玄圃松陰卿月度紫宮花發使
星來山靈似識皇華節鸞鶴仙童出洞臺

登祝融峰

彭鳳

驚背烟花浩蕩開陰陰古殿鎖蒼苔千年玉簡留南
鎮五夜金燈燭上台樹拂星河當戶落江搖吳粵入
簾來仙官合共朝元會身到中天積翠臺

祝融峰

顧璘

雲爲衣履石爲梯白日青虛步可躋天近祇疑三界
合烟開渾見四方低寒松掛雪懸前嶂瀑水轟雷下
別溪早晚臺端拍珮去誅茆來與道人栖

遊方廣

前人

古木陰陰一徑微寒溪十里帶殘暉僧飯汲泉和雪
煮客堂明燭見雲飛田開白石分千疊山擁青屏匝
四圍行盡衡峰多佛宇無如此地好歸依

南岳廟

前人

九成臺殿神宮迥百里松杉石路賒海內名山唯五
岳天南星漢此孤槎聊隨使節修禋祀總爲威靈保
帝家喜報皇儲新定位千秋萬歲樂無涯

祝融峰

前人

人間長望祝融峰天上人登兜率宮山勢總朝星極

北海門遙見日華東清標幸借千林雪浩氣真披萬
里風莫咲題名崖畔客高情聊盡百年中

方廣次韻

王希賢

蓮花峰下迥人寰殿閣凌虛紫翠間因記十年曾眺
賞還期八月更躋攀崖雲有意須開霽禪榻無拘莫
閉關寄語石梁同笑者秋高月白共看山

夏日過淨居寺飲流杯池

周叙

巾紫峰南淨居寺僧房遙倚半崖陰徑道叢篠迷珠
樹澗引飛泉漱玉琴說法壇空丹壑窅流觴池在綠
苔深勝遊雖乏蘭亭會幸有諸賢此盍簪

次洞山先生韻

陳慶

方廣名山蓮作瓣瓣中高起法華臺懸崖瀑布雲長
護絕逕梅花雪白開烟散珠林青鳥度香浮鈴閣紫
衣來蒲團至日禪閑閉頓覺初陽隱隱回

問岳

崔桐

南岳傳聞應軫星芙蓉森列亂峰青鰲連地軸雄全
楚龍抱天源入洞庭古院風清畱妙躅金書雲護表
仙靈深岩更有何人隱借爾藜燃好著經

登祝融峰

暉巍

報祝那知岳有靈天風吹上妙高亭盪胸晴靄千重

白入眼峰遙萬點青日下崦嵫光歷歷春浮滄海氣
冥冥忽聞清磬傳僧偈應有潛龍出鉢聽

登上封

何彥

攀援直上最高峰五老遙看翠萬重南去香爐揖石
廩東迴紫蓋擁芙蓉入雲鷄犬通仙界出洞蒼虬隱
怪松風送梵音人語靜爐烟裊裊傍踈鍾

南臺

蔣信

此是人間幾洞天憐予今夜共君眠諸江翠練供雙
眼萬樹蒼虬對老僊吟就新詩招皓月呼將秃筆掃
濃烟醉餘豪興傾衡岳欲駕飛來石上船

回鴈峰

陳愷

從來無鴈過峰前萬丈衡山隔楚天人事炎風兼朔
雪功名銅柱復燕然漫凭兜率三生石遙望滄洲一
點烟愧爾山霧色相笑東歸已問洞庭船

登南岳

沈愷

獨挾仙峰跨紫鸞飄然逸思振雲翰烟消紫蓋千山
出人在清虛六月寒梵磬有時空外落曇花飛雨靜
中看塵心到此渾無着天地高深一倚闌

又

前人

偶來九月風日晴千峰萬峰朝太清凌空渺渺自殊

態入耳泠泠非世情盤屈松檜不知歲參差岩壑俱
有名吾將於此巢雲窟採真白日要長生

過衡山

前人

若爲秋暮過瀟湘欲訪名山意更長泉石有緣容我
至風塵何事向人忙流杯亭在春如昨駕鶴臺高跡
已荒懷古未須追往事登高翻喜當重陽

鴈峰寺

許宗魯

衡陽七十二峰開鴈入南天向此回吳楚山圍朱鳥
出蒸湘水蹴白龍來僧車自演曇花地佛座長懸法
雨臺五岳尚憐婚嫁阻誓將豪意托深盃

半山亭

劉黻

登山路轉羊腸遠却喜僧亭開半山一望已憐空地
軸再行應合到天闕曉風驅霧清寰宇午茗分甌醒
客顏况是佳辰逢九日更囊菊酒野情閒

遊棲霞寺

劉穩

夢入名山已十年登臨今日興悠然層巒秀結青蓮
蓋曲水斜通白鹿泉栢影蕭疎含晚照崖陰迴合澹
秋煙禪房聽說無生話媿向長安索米錢

獨坐兜率次盧方伯韻

前人

一從採藥入南山纔見春來又見還萬壑烟霞隨我

住五峰泉石共心閒醉扶竹杖頻尋寺倦倚蒲團靜
掩關古殿殘燈沉夜影不知身世在人間

卜移能仁寺

前人

老僧興復舊禪林棟宇岩堯敞碧岑曲逕斜穿珠樹
入飛泉遙瀉玉溪深水田漠漠連青靄庭院沉沉滿
綠陰七十二峰曾遍歷無如此地愜幽尋

能仁寺酬九峰過訪

前人

禪床遙借上方幽散髮高眠得自由泚水故人成遠
夢剡溪交誼見孤舟百年萍梗驚難定一逕松蘿喜
暫留分手依然雲樹杳春山何日更相求

登南岳寄劉太僕仁山

梁孜南海人

祝融萬仞壓群峰徙倚冷然欲御風吳越依微雙屐
外山河縹緲片塵中坐隣霄漢月華冷卧吸扶桑海
氣紅載酒遠來何處客千年名勝兩冥鴻

又

前人

七十峰頭一探奇素心元與白雲期山僧解說談經
石樵父能傳治水碑峭壁迎風蒼樹合懸崖藪藪古
藤垂窠中形勝君能賦榻管空慚郢客詞

湘南寺

毛紹齡

雲鑠湘南逕路深清秋芒屨此登臨間閑好鳥鳴天

衡岳志 卷之八
籟偃蹇高松天夕陰遊客咲追千古興定僧坐手百
年心行行絕頂塵寰外聊向公餘撫玉琴

南臺

張信治

祝融高傍青天開我來踏破山中苔僧房鍾磬出萬
樹仙人樓閣凌三台東西日月尊前度吳楚江湖席
下來七十二峰看不盡夜深燈火宿南臺

天壽閣

前人

朱陵洞口秋雲開
藜宿雨猶蒼苔松竹迴翔鳥邊
路浮圖徙倚天中台
鳴琴一澗流泉度錦綉千峰返
懸來瑤草瓊芝綠
折西風欲寄長安臺

登祝融峰

趙貞吉

朱陵地主鹿皮翁指我名峰上祝融捉筆不爲當世
字披襟猶喜大王風頗疑諸子訶哀鳳似惜相逢噴
雪鴻我欲結茅爲小隱期君終歲住雲空

別方廣寺

前人

偶來何見去何聞耳畔清泉眼畔雲山色有情能戀
客竹間將別却憐君瘦筇又逐孤鴻遠浪跡還如落
葉紛塵土無心留姓字碧紗休護壁間文

雨後登南岳

向程

衡岳岩堯插漢青偶逢新霽叩山靈雲開鳥道迴天

柱風散春陰落洞庭憂世遠懷蒼水使凌虛俯瞰老
人星重華車轍何須問持節南來自舜庭

遊南岳山留數字雲絲村點翠蔡汝楠

分符不廢尋丘壑風物誰言邁永嘉自覺登攀出塵
境行看籬舍總仙家危峰倒映常流澗密樹晴飛不
斷霞祇嘆湖南懷古意九疑無處望重華人

登鴈峰前空人

鴈峰不盡城南勝咫尺叢林尚可攀藥徑盤回初入
寺禪房行遍又看山開簾鳥下窺經室掃榻風歸閉
竹闕自是俗情牽簿領白雲長日共僧閒

又前人

一峰南峙出平原禪閣虛空啓四門粵嶺遙看連岳
寺蒸流近帶引湘源歸鴻幾達天涯字芳草曾傷楚
客魂日暮倚欄愁騁望淡烟疎樹雨中村

石鼓書院黃廷用

此地昔賢多駐馬蕭條異代轉淒涼空餘江上風波
急頓覺人間歲月忙鴻鴈不來春信杳鳳凰高舉日
華長臨流欲薦三閭客蘭芷盈盈采更芳

又前人

何處支流同拱北萬家烟火半橋西中原落日愁多

夢上國浮雲望欲迷楚漢山河渾割界韓張琬琰尚
留題含情讀罷風吹雨更上高樓萬尺梯

回鴈峰

前人

誰言陽鳥依彭澤南北飛蹤不可尋點點故衝邊月
曉翩翩應隔楚雲深羽書每繫三秋望錦字空懸萬
里心愧我遠從衡岳度蘆花湘渚自陰陰

蓮華峰

前人

山似蓮形開朵朵僧家住在藕花心銀濤夜瀉滋珠
蓋紫霧晴分潤玉林長向藤蘿看虎伏忽乘風雨聽
龍吟青蓮玉井華峰上安得驟鸞一往尋

出方廣

尹臺

蓮花峰影散參差石廩天梯掛壁危坐惜陰崖蒼蘚
滑難攀絕壑紫蘿垂風聲晝吼玄冥窟雲氣秋翻霹
靂池安得身輕凌絕頂臥承玄露茹仙芝

上封寺

戴嘉猷

衡山幾度夢中遊却喜今登最上頭臺頂雞鳴紅日
出洞門簾捲白雲浮支離身世開雙眼綿邈堪輿繫
一舟欲問玄君黃鶴駕祝融峰下久淹留

又

前人

看山出郭揚芝蓋十里松陰帶夕陽碧落低臨惟鳥

道翠微深處有仙房絕憐衡岳三燈現俯看湘江一
線長獨步上封尋往迹祝融峰下白雲茫

遊岳

孫應鰲

方廣潌洞鳥道攢蓮花洞裏秘奇觀先賢曾設春風
榻佳句犹懸白雪壇正學千年昭日月斯文萬里聚
衣冠堂開嘉會瞻依在翹首清光北斗寒

又

前人

雪霽冥搜已暮春四山壁立闕嶙峋
鮑霞堪醒三生夢漱玉能驅九夏塵
蘚字荒扉題琬琰鈞天古樂奏
松筠岳南方廣還奇勝他日結茅可悟真

古城寺

張居正

茂陵同病復何如強半秋來未有書
豈爲浮雲愁墮甌頂知世路可翻車
青霄結綬誰相引白首論交獨
共予世事續紛那足問碧江東畔有鱸魚

真君觀

前人

秘殿崔嵬近紫虛洞天岑寂列真居
霜毛時下朱陵鶴金簡猶存宛委書
風拂瑤壇歌羽旆雲歸翠嶺度
飈輿竹烟觀月空歌裏一道寒泉漱碧渠

登岳喜晴

劉堯誨
臨武人

連日陰飈阻客船登臨晴宇忽熙然
行來歲月無機

事到處山霧有夙緣萬壑西風踈草木五峰秋色澹
湖天明農自分歸來晚耻向山中問薄田

蔡子木守衡州寄贈 王世貞

少年爲郡肅清修京洛相携賦壯遊一去蔡邕誰倒
屣可憐王粲獨登樓挿天衡岳層層碧遶郭湘江細
細流莫向秋風悲日遠長沙今得比中州

蔡督學伯華以遊太和南岳諸詩見示賦和二
首蓋予嘗兩登太和而南岳猶在望也

吳國倫

聞君振鳥衡山顛七十二峰爭造天御氣氤氳通帝
座靈苗璀璨長仙田雲開玉宇書重檢石泐朱陵洞
未遷不是紀遊詩力健誰移岳色峙予前

宿岳廟同友坐月松陰 胡直

挈朋晚憩青霞館躡屩先登赤帝祠宿霧濛濛常作
雨清泉裊裊自成池林間月出移松影巖畔春深長
桂枝自幸向平婚嫁早與君唯有白雲期

登祝融忽起白霧 前人

祝融吐霧晝漫漫跌坐中天白壁壇混沌未經七日
鑿妙圓那用九年觀玄夷使者金書迥南岳夫人玉
液寒從此倦遊非世侶便應巖下對塵冠

宿南臺寺

前人

池邊旋轉暮同登
樹杪逢迎見一僧
信宿每從禪室
慣清香學與世情仍
中宵風靜聞天籟
虛谷雲開散佛燈
共道石頭傳法盛
空餘巖壑掛高藤

觀音巖僧

前人

上人崖畔殿靈宮
戒律曾聞事遠公
招客只供羅漢
菜翻經特引大王風
飛泉出石成甘露
猛虎參堂學小空
來此不緣求勝果
將因結屋傍岩東

登南臺

李孟彰

夜坐雲中古佛臺
猶聞峰上鶴聲迴
幾點疎星映秋
月一泓瀑布響春雷
長者車從桃洞去
故人酒自村來
欲逢蕭史知何日
翹首增思李泌才

登南臺

邊維垣

飛夢長牽五岳踪
憑虛今到祝融峰
玄夷翰簡回朱
鳥赤帝旌旗照火龍
洞隱古今沉石壁
谷寒風雨下高春
岷峨西望三千里
跨鶴披雲興轉濃

霽閣中秋

曾朝節

山間今夜月華明
何處仙人度鳳笙
並坐雲霄元勝
賞對床風雨未寒盟
光含正練塵元淨
影入天香秋興清
吾道向來欣有覺
大明須遣泰階平

南臺卽事
前八人

峰頭霽色山山見
樹杪風聲日日聞
傍寺花開看寂寂
隔窓禽語自云云
為滋靈藥常飛雨
欲護禪床每駐雲
燈火秋空群籟息
月明天淨坐宵分

贈岳僧請藏
前八人

與客常遊岳寺深
側刀峰下亦雲岑
各僧貝葉翻龍藏
上國琅函遍鷲林
持鉢乞來留寶地
折蘆將去度金針
衆生從此皆成佛
况說黃梅派可尋

宿能仁寺
前八人

一夜潺湲作雨聲
蓮花座上句初成
不離地皆佳境
常住深山少俗情
霜色迥凌龍藏香
月華寒印虎溪清
那禁靜夜聞金磬
坐對空王道氣生

花藥寺次蔡白石韻
趙貞吉

衡州花藥城南寺
藥蔓花枝劇可攀
隨雨散來應遍地
披雲採去更何山
江幽燕舞鮫人室
月淨龍消鬼子關
但惜託身遷逐日
祇隨延賞剎那間

望日亭
曾朝節

祝融夜宿隣諸天
窓雲閣雨饒靜眠
心超色界卽是佛
身近大羅疑已仙
扶桑遠枝迷海日
芙蓉古洞生寒烟
何年再期惠車子
與之同駕飛來船

望衡岳望衡岳張佳胤

遠遊之客來江潭七十二峰湘水南
杖屨深冬已積雪芙蓉雙眼聊停驂
玉書金簡豈難讀紫蓋朱陵終可探
搢笏岳靈應識我尋盟擬結白雲庵

紫瓊高閣一登臨瑟瑟涼颺動客襟
古寺遺碑蒼蘚合老僧半榻白雲深
泉流漱石涓涓細竹樹扁門澹澹陰
最是名山堪結社幾回簪紱費沉吟

遊方廣遊方廣鄒德溥

萬山盤辟隱琳宮挈侶尋幽興不窮
曲磴千層枯木裏飛泉百道亂岩中
香臺漠漠生虛白仙梵微微入遠空
欲問真如無一字覺來步步是玄同

登岳阻雨登岳阻雨舒應龍

停車擬叩祝融君夜半輕雷遶舍聞
自抱丹衷思捧日敢言素念可開雲
千山嵐氣明還暗萬壑泉流聚復分
饒我乾坤雙睫在何年五岳問耕耘

前前人

案輿形勝獨宗衡培塿千峰孰與爭
兩袖微風騰碧落一聲長嘯對蓬瀛
玉書金簡終何在玄鶴蒼猿可締盟
回首五雲瞻北極誰稱岳降翊皇明

秋後登回鴈峰
管大勳

山盡衡南過鴈稀
天高露冷薄征衣
江流萬里魚同
杏木落三秋人未歸
陟巘有懷朝赤帝
采芳無處吊湘妃
可憐潦倒常爲客
愁覩寒雲海上飛

岳亭晚眺
前人

回鴈峰前祗樹橫
合江亭畔野雲平
環山拱岳晴嵐
歛飛閣凌空夕照
明烟火萬家臨遠
水漁燈數點隔
層城不禁離思
因風起寂寞川原
代幾更

講經臺
前人

昔人卓錫還空去
此地仍留說偈壇
壇下山形疑伏
虎空中雲影見飛鸞
沙門到處延高坐
證果何年結
懶殘踏盡靈山無
了着欲憑奇石卧
松端

集鴈峰方丈
沈鈇

禪林深鎖碧烟重
有客相携叩玉封
三徑尋春寒薜
荔諸天飛翠濕芙蓉
譚高巖落曇花雨
社遠風傳石室鍾
最羨振衣凌八極
楚雲何處躡行踪

遊集賢書院懷諸先賢
李燾

千載英遊意氣同
天留勝跡爲名公
峰巒葱鬱雲林
外物象氤氳雨露
中窮勝謾勞觀海
日遺編自可挹
春風還思禹蹟碑
何在日斷岫嶺逐
早鴻

懷侍遊岳

廖汝恒

雲開衡岳麗晴霞上客行春樂事賒總為登遊尋勝

蹟非緣汗漫玩韶華鄴城架軸空千載李鄴侯有湛

子淵源自一家湛甘泉嶺南人有書院祀白沙遺緒祗今誰可嗣高

風從此振天涯

宿南臺

伍小讓

石磴崔嵬接上方紫雲深處贊公房一燈半偈傳心

淨萬壑千峰引興長初地旃檀飄色界彌天風雨到

禪床中宵坐覺空諸有不似人間歲月忙

遊水簾洞

前人

巖險捫蘿入洞天翠微深處見靈泉銀河倒瀉蛟龍

窟珠箔高垂日月邊清響和雲鳴杖底飛花帶雨落

尊前坐來已覺塵緣盡方外何須更覓仙

秋日登魏夫人黃庭觀

前人

與客尋真到翠微山花寂歷映秋衣石壇舊隱丹爐

在仙子凌空白日飛古殿半畝荒草路寒雲獨掩薜

蘿扉玄都自有逍遙境華表千年鶴未歸

贈堯率濟上人

前人

深公不用買青山飛錫烟霞此閉關香閣旃檀諸品

靜人天鍾磬老僧閒眼看分竹成龍種手自栽松有

鶴還借問禪心何所事白雲無繫水潺湲

上封寺

前人

憑虛直躡最高峰野鳥啼烟紫翠重瀑布晝飛千嶂
雨秋聲夜動半山鍾珠林有路通仙界玉檢何年自
上封便欲餐霞生羽翰山靈應恐笑塵蹤

衡山道中

前人

肩輿出郭正春晴縹緲衡雲人望清日煖迴塘飛振
鷺風恬芳樹度新鶯漸看碧落親遊客已覺青山不
世情杖屨重來尋舊跡却疑身世又蓬瀛

社老澗

錢塘房

石龍間鑿架崔嵬引得曹源正脉來分出民田滋雨
露放歸香積漱瓊瑰光浮玉砌拖飛練聲落寒崖吼
迅雷巨力能成千古事吾家真的有良材

登祝融峰

劉應騏

我欲齋心叩祝融不辭冒雨御微風人寰漸覺看來
小天闕分明路可通秘檢千年藏石下真形五夜見
雲中更從絕頂觀朝日王氣東南正鬱葱

遊兜率菴

前人

爲謁諸天到上頭濛濛宿雨未全收峰高常碍雲歸
洞景勝偏宜客倚樓方內日矜方外想采風兼得采

真游結廬已訂他年約猶自踟躕去復留

陪侍登岳

王炳然

南岳巖峩四望開峰頭紫氣接蓬萊雲陰忽傍芙蓉
起春色遙從岫嶺來萬壑花飛如對酒中原日落憶
登臺更憐同學諸年少公幹偏承御李回

陪遊天台

劉永基

偶入青蓮古刹深梵宮遙寄藕花心鍾鳴寶樹金搖
座法散天花玉蒲林山暝欲風看虎臥池轟過雨聽
龍吟天台竟去慙劉阮且恐人間無路尋

望日亭

伍希儒

翠律老峰碧漢連乾坤凝睇總茫然青青山抱芙蓉
近隱隱星當軫宿纏五夜曙暉浮望日半空樓觀起
光天安期漫說還方外長嘯凭虛事已僊

合江亭

謝宇

合江亭下合江流江水流添萬古愁來去風帆朝復
暮低昂雲樹夏還秋朱陵洞閉烟霞冷青草橋橫
踈浮况有昌黎題詠在文名勝跡世同悠

謁岳廟

王偉

鍊根盤地鎮常存絕頂凌空勢獨尊五色雲霞迷洞
府六丁神將護天門飛泉落澗雷霆闖老樹交柯日

月昏長嘯一聲歸去晚此中清趣與誰論

祝融峰

前人

巍巍南岳插晴空第一高峰是祝融萬里山河歸指
顧兩輪日月累西東聖燈夜照朱陵洞瑞氣相連紫
極宮安得此身超物外手招黃鶴駕天風

迴鴈峰

章美中

迴鴈峰頭雁已回孤城斜日倚樓臺悠悠春水兩江
合漠漠浮雲百粵來銅柱燕然渾浪迹炎風朔雪易
生哀對君且盡天涯酒他日相思折隴梅

又

前人

鴈峰深處草堂開人在峰頭載酒來四海論交久傾
蓋十年話舊更登臺花前金管歌聲急樹裏春燈舞
袖迴促席且拚良夜醉江亭離管又相催

石鼓書院

趙貞吉

昔年隨鴈臨江亭重來鴈去空復情鴈南鴈北杳寒
影大古人今爭善鳴蒸湘悠悠濯誰足風雨浙浙吹
人纓長簑短棹從茲逝吾將何處逃空名

岳麓懷朱張

李綱

我謁朱張談道處高明亭向湘江開蒲山香氣桂松
合半夜秋聲風雨來白雲封蔽蟒蛇洞碧澗響近赫

驥臺古跡宛然在吾目乘興題詩鐫石苔

南臺

程秀民

天柱峰頭訪太清南臺高處看雲生冥棲樓閣空中
景長嘯鸞鳳天外聲洗鉢幾憐尋墨沼乘桴還擬泛
滄瀛衡山自古宜遷客爲汝登臨更繫情

坐天霽閣

李鳳翔

空中樓閣真無礙半日浮生坐上方斷壑陰風吹石
磴亂峰晴霧擁藤床虬龍隱隱松杉合猿鶴脩脩杖
鳥傍欲隔人間煙火食振衣棲息此雲房

望魏元君祠

前人

元君祠古霧中明橋擁雙虹野漲生絳節早聞靈秘
詔瑤壇夜聽步虛聲前峰瀑落疑銀漢蒲院松陰拾
翠英環佩鳳笙塵土寂洞雲蘿月伴虛楹

遊岳晚宿岩房

何思登

仰止名山逸興便多君携我白雲邊晴宵翼軫星堪
摘味旦滄溟日已懸金簡舊傳平禹甸瑤華曾歷被
虞絃却憐俗駕空遊眺豈有開雲似昔賢

鴈峰

汪泐

古寺雲林碧水陰遊人登眺灑塵襟癯僧芳草蒲團
坐野老閑鷗海月心仕路崎嶇行處變異鄉花木客

懷深殊方風景多遷易鐘磬清餘隔樹音

鴈峰寺

張勉學

振衣千仞獨登臺萬里秋空北鴈來故國書傳應有
託衡陽聲斷漫虛猜坐看雲氣岫巖接俯視江流石
鼓開况是丹丘近人境東城何必謁天台

遊萬壽宮

王縉紳

煙霞深處訪蓬萊石磴荒涼玉殿開絳節幾時來碧
落白雲千古繞丹臺草深古砌碑猶在松老空階鶴
自回謾想安期問真訣仙壇瓊笈鎖蒼苔

奉命南岳

張應玄

五岳環居帝所尊火維形勝更堪論九千餘丈地突
兀七十二峰雲吐吞本與陰陽分造化豈知丘垤是
兒孫我來飛上芙蓉頂一笑青天手可捫

雪霽堂

陳能

古寺聲殘八百鍾夢回齋館慨塵蹤晴光入戶窺殘
雪曉色開簾見遠峰岐路勞形分野馬山林勝事仰
人龍芒鞋布襪吾先辦直上祝融瞻九重

登南岳

朱維京

九點齊州一瞬看夕陽天外獨凭闌凌霄紫氣三清
近永夜濤聲萬壑寒亘古明禋還祀典異時封禪走

御岳志 卷之八
祠宮鄴侯萬卷藏何處深洞雲封號懶殘

又

前人

返照千峰紫翠重清江十道走游龍琳宮寶籙青霞
罩金簡神書碧蘚封地湧三千諸世界天開七十二
芙蓉請看石上龍虬樹不減秦朝五大松

又

前人

日出煙空萬玉呈蒼然平楚見襄荆瀟湘水落龍雙
戲雲夢秋深鴈一鳴帝子尚聞黃蓋幸山人曾有白
衣名飛蓬無柰東征急暫結高僧鷗鷺盟

登祝融

前人

獨立蒼茫有所思江涵秋影鴈來時直從七澤窺三
峽俯矚千峰入九疑檜栢自深岳帝廟風雲常護禹
王碑石橋一線通天路只尺仙蹤不可隨

又

前人

霜落瀟湘萬木丹長空無碍海天寬乾坤日月雙輪
轉吳楚山河一鏡看湘瑟似聞雲裏出仙臺偏向月
中寒高吟鄒律能回煖無柰陽春屬和難

迴鴈峰

前人

振衣高眺大江濱翠峯孤峰迥不群洞野秋雲迷莽
沅關門紫氣散氤氳蒸湘水合雙龍轉楚粵天從一

鴈分杖履會須凌上界焚香先禮祝融君

登山憶魏夫人

王之屏

物外乾坤洞壑藏攀蘿援木漫回翔風燈罷暈鸞書
杳月印生香鶴夢長傍澗花飛淒玉管斷岩雲淨隔
霓裳仙姬不到仙踪絕况復千年事渺茫

秋日携友登南岳

王炳然

七十峰頭擁薜蘿祝融隱隱接星河千山木落秋聲
減萬里雲開夕照多北望洞庭涵碧鏡東來蓬島見
青螺飄然此際皆仙侶漫向塵寰一嘯歌

登南臺

鄒迪光

繡閣香臺化日懸竹房蓮社萬峰前天花散作瀟湘
雨仙梵飛爲夢澤烟客到深松群白鹿僧持靈藥洗
紅泉刹那便與塵寰別欲向維摩借榻眠

祝融峰

前人

芙蓉千片擁仙曹石磴攀援蠟屐勞直向諸天排紫
闥乍看大地起紅濤行持日月元君下坐領星辰赤
帝高長嘯不知樞八極滿空風雨散銀敖

飛來船

前人

誰向善提現六通石帆的的馭天風乘潮夜渡旃檀
北舍後晨飛鸞鷲東卽看空山皆彼岸未嗅流水是

飄蓬迷津願借慈航力一篙扶桑大海中

前遊人

前遊人

朱陵洞口暮飛霞著屐遙尋佛子家檀越松風翻貝葉香臺羅月印袈裟僧居兜率離塵劫人在精盤誦法華階下石泉清徹底不知流水是恒沙

登半山亭

林兆珂

楚國湖山一望收蒼茫何處問蓬丘斷虹晴散諸天雨亂瀑寒生萬樹秋雲護丹梯猶舞鶴峰迴碧落自翔虬排空健翮飛揚甚瑤草金光恣所求

登絕嶺

前遊人

山巖岩堯切太清坐來岳色半陰晴乍藏雨氣疑滄海忽起霞標類赤城書自玄夷探秘檢飯從玉女授青精憑虛散作蘇門嘯萬里天風樹樹生

宿上房

前遊人

夕照光含大赤天芙蓉片片削風烟松蹲絕澗龍鱗起雲隔前峰鹿影懸石室參差空外剎曇花縹緲雨中禪逢僧話罷無生偈爲借南窓半榻眠

丹霞寺訪東泉

尹

憑軒萬岫皆崕嶮矯首齋頭尚有山老壑烟霞時著色無情猿鳥自窺闕虛堂空說黃金布開士常餘白

日閑纔得同僧酬半偈下方日盡不知還

宿南臺寺

高臺樓閣切諸天半榻峰頭月正圓橫嶺野燒光度

牖穿巖寒響夜飛泉僧燈自照雙林宇梵韻殊開三

昧禪一臥此中忘歲月不須更覓買山錢

鄒汝光太史使衡

詔乘六傳下衡陽簡命分茅過帝鄉紫蓋朱陵迎使

節袞衣繡黼拜藩王西江橈轉趨庭日南斗星輝獻

壽觴自昔國風無楚調一憑太史問瀟湘

登天柱峰

千巖萬壑費攀援躡盡丹梯禮玉華似駕群龍朝

闕真看九豹守關門諸天此去高多少北斗原來近

可捫混沌乾坤只一氣雲車風馬滿中原

又

鐵鎖橫騫七十峰高峰獨起插鴻濛平瞻帝座黃金

屋俯拾僊橋白玉虹只見風雷還下界不聞雞犬過

雲中一聲禮佛林巒震恍惚玄君在碧空

登祝融峰

擎天一柱奠南離炎帝專封舊有祠遙拱辰樞分紫

極平分地軸控黃支雲凝灑霧千峰麗日曜滄溟萬

象黑願假羽翰乘霽色嵩恒岱華任吾之

登祝融南嶽炎帝聖傳書云祝融居南嶽彭之年

攀援杖履訪丹丘地隔塵寰最上頭路遶林叢行覺
遠泉迴石竇聽宜秋于峰雲起山容出百丈虹明雨
意收俗慮掃空舒眼界凌虛仙子許重遊

欽佛菴 王在晉

紫竹林開淨絕塵普陀高揭法華新拋將泡影三千
界鍊得金剛四大身解脫洪爐還自在消鎔真火不
成憐慈悲慧眼看人世誰識今生作受因

兜率峰 程文著

鷲嶺岩巖倦問禪谷斜蕪逕半藏天松翻榻淨風侵
磬竹拂窓虛月瞰泉席上僧齋供苦澹石間醉墨獻
清妍坐來不覺心玄寂歷落岩端且未旋

登岳 陳宗顏

秋爽耽山興最賒小輿穿逕破烟霞五峰浮靄連霄
碧十里長松帶日華羽客踟躕來跨鶴山僧導引坐
供茶明朝掀裾雲間立閒望霜林處處花

夏夜登祝融峰宿上封寺觀日出詰晨遍探諸

勝得十二首 嶺南鄧雲霄

飛書曾寄魏夫人遙踏罡風下紫宸南岳到來如舊

識懶殘還記是前身鉢拋山下泉應滿柯爛岩邊局
又新何事夜遊須秉燭好將明月作車輪

其二

高拂塵纓濯石泉夜深沆瀣更澄鮮月臨峰頂客初
到露滴松梢鶴正眠嘹唳鸞笙吹爽籟飄搖龍杖挾
飛仙琪花瑤草閒堪拾還笑冥靈是小年

其三

昔年圖記卧中遊此夜冥搜事事幽峯逼星河常似
曉岩寒炎夏已驚秋草深玉匣迷金簡風送松濤泛
石舟借問山靈誰佐命吾家元已駐羅浮

其四

手携金策響泠泠絕頂禪房夜不扃天淨岩巒皆拱
佛山空猿鳥亦聽經上方散落千行炬南斗新添數
點星何處黃梁炊未熟錦衿羅幙正沉冥

其五

天雞半夜叫空寥誰捧金輪已弄潮紫氣忽衝滄海
霧玄崖俄變赤城標迢迢閭闔停踈漏冉冉仙官散
早朝高揖東皇望蓬島安期還有鶴書招

其六

曉持鸞尾掃山雲晃朗天門曙色分赤帝旌幢紫嶂

轉青童環佩隔峰聞
閑調石髓供朝膳
靜漱銀河滌晚醺
嘯傲空山誰是伴
和歌惟有紫陽君

其七

名岳嵒巖並岱宗
漢皇何事未登封
壇虛星斗明青玉
潭湧金沙吼白龍
虞輦不歸斑竹怨
禹碑滅沒紫苔重
悠悠今古渾如夢
願學無生出世蹤

其八

婚嫁何年是了期
翛然乘興任吾之
前旌且莫驚朱鳥
後乘還聞載紫芝
孤巘芙蓉搖瀑布
晴天霹靂起雷池
翻嫌樵客穿雲去
只恐摧殘月裏枝

其九

懷岳何須賦四愁
官閒常得採真遊
水簾斜掛黃姑渚
天柱高撐白玉樓
雞犬洞仙忘甲子
蟬蛸人世自春秋
休誇眼底窮三界
海外還聞更九州

其十

肘後常携五岳圖
朅來登眺果仙都
諸天大地還高下
七澤三湘問有無
翠鷲欲飛風乍起
蓮花不動劍同孤
寥寥欲寫山中意
一片清冰在玉壺

其十一

把酒狂歌萬壑寒
風高重整切雲冠
烟霞吞吐隨揮

塵日月東西笑弄九千歲光陰消半局四溟空水入
危欄莊生未達逍遙理浪說圖南是大觀

同遊其十二

千峰掃徑喜迎賓歷險窮幽興轉新訪古難逢蒼水
使還山偏羨白衣人且斟雲液酬啼鳥莫向桃花問
去津共道餘糧盈石廩山中供給未全貧

宿岳館書懷

前人

珊珊劍佩下雲邊虛館華燈坐洞天濟勝只憑雙蠟
屐買山何用半文錢風傳疎磬門初掩牕透流泉夢
亦仙乞得湖南清絕地續騷應著遠遊篇

登岳

清漳楊鍾英

萬朶芙蓉景勝賒龍從元自並嵩華穿雲石磴凌空
駕鳴壑松濤帶瀑斜雲外五峰擎日月座中兩袖拂
烟霞登臨直入清虛境傍斗無勞漢使槎

又

前人

最上峰頭縱大觀曾聞仙侶紀駮鸞深岩產藥人難
老古洞藏龍氣自寒金簡碑沉雲密密玉書聲動韻
珊珊圓爐細聽曇花靜夜半誰人問懶殘

天姥宿祝融觀日

前人

七十二峰此最高夜深何處動雲璈星辰傾蓋清光

近牛斗平臨紫氣豪神慶當年開禹蹟勝遊今日悟
天攷寂然萬籟纔消盡又見扶桑漾海濤

再宿祝融臺次韻外半並入問前與人

直上層霄第一峰仰通帝座肅朝容地分南紀當衝
度秩視東封埒岱宗滄海雲開迎瑞旭明河秋淨澹
疎松中宵覺迥人間世清夢初醒聽曉鐘

經南臺 黔南許世卿

叢林隱處度疎鐘極目晴嵐藹上峰大地十千含雨
露諸天七十二削芙蓉支笻石磴穿雲徑倒屣禪房傍
古松回首塵寰今覺法更於高地問行踪

南臺寺 前人

第一禪關傍日縣南臺獨占祝融前開牕挹盡千峰
景鳴磬敲殘萬壑烟僧向松間覓住脚客從竹裏泛
流泉向平何日酬婚嫁岳頂繩牀抱月眠

憇兜率菴 滇南李汝登

層巒疊嶂擁諸天翠黛空中樓閣懸竹韻琳瑯堪擊
節松聲蕭瑟似鳴弦旃檀香滿三千界貝葉書藏十
萬篇多少靈踪看不盡再來何用買山錢

飛來船 前人

鳥道噴虹人逕明上方飛渡一舟橫翠微深處風初

靜碧落空中浪自平欲障未能通覺海幻身無計脫
緣城乘登願借慈航力不向迷津逐世情

登衡岳絕頂訪仙踪

直上孤峰萬仞餘憑欄回首列仙居松喬積翠來玄
鶴石竅飛泉落紫虛採藥澗邊時自度種蔬岩畔日
堪鋤何緣造訪彌明跡天柱峰頭好結廬

上封寺

醉枕瑤琴寄上方恍疑身世五雲傍梅花帳裏頻舒
白貝葉瓶中任卷黃床下鉢龍驚欲去榻前爐芋煮
成香石間流水竹間出洗出清虛一派涼

登岳

中州何登高

巍巍衡岳獨稱雄柴望當年泰岱同拔地岫嶺培帝
闕半山紫蓋隱禪宮千秋禹字藏金簡一日韓雲映
碧空我快登臨懷仰止芙蓉萬朶列菁蔥

登衡山

仙居應世科

聳身直上絳雲層翼軫天高快此登節擁琳宮瞻赤
帝霞明寶洞識朱陵千峰光律晨光耀七澤縣聯晚
照澄坐久真堪忘世諦欲呼鶴馭月中憑

又

前人

探竒便作采真遊乘興還尋最上頭秀壁迴環丹室

宵融峰縹緲碧天浮北瞻瑞靄依宸極南望重華
有帝丘只尺瀟湘分雨色憑欄時對楚江秋

與周建宇康見東宿萬壽宮 蓉城汪辨

一榻蕭蕭對壽宮憑高岳色映簾櫳清池簷外吞牛
斗寶劍腰間倚蝶螭笑啓虛樞生室白坐留狂客醉
顏紅明朝振屐祝融頂萬壑千崑自下風

丹霞寺

前人

寺遶藤蘿倚翠微風來颯颯客翻衣丹霞萬個竹爭
長華表千年鶴又歸客向真中覓景去雲從足下任
情飛老僧補衲夕陽裏半欲開扉半掩扉

贈封御史陳廷策歸衡山

曾可前 編修

豈是鄉心爲雁聞歸與欲悞懶殘群餐錢中秘時能
繼桐酒黃封好共醺去去使携龐德婦望望那忍秋
公雲丹砂鍊處雙梅綠爲愛仙禽五色文

望日亭

徐汝霖

枕石披寒宿上方山僧報道曉扶桑芒鞋踏破五峰
翠旅服遙沾九月霜北斗平臨紅日近東溟入望楚
天長試看一點靈光現看笑浮雲甚事忙

登上封凭欄俯翫

王之屏

竚望南山土一杯振衣千仞此高臺五松寒抱蒼虬

臥片石晴飛玉女來迴合乾坤天外靜變遷雲物望
中猜皇封帝秩楸梧泣入夜猶疑靈氣回

入方廣閱藏

曾鳳儀

獨上招提靜掩扉青蓮朵朵漾晴輝
分香積和雲供步引金繩夾日飛
澗水時清居士耳谿霞巧映定
僧衣少林傳得空王印印著空山第一機

訪鶉居藏六上人

前人

暫停車馬訪鶉居地遠塵氛氣象舒
雲挾青山當法座月將碧澗入茅廬
遊蜂輕逐蓮花漏啼鳥斜窺貝
葉書見說華林傳勝事好携一虎話真如

祝融峰

陳宗契

拔地芙蓉月下看瀟森落木萬峰寒
幽岩煮石和雲咽絕澗鳴泉帶雪彈
夜榻只緣搔背好秋風非爲折
腰難生來不具平章骨半夜何心問懶殘

登山迴鴈峰懷趙揚州

前人

青天七十二芙蓉迴鴈南來第一峰
雲破月生湘浦棹鷺歸雪點寺門松
峰前共美人騎鶴斗下誰看劍
化龍愁絕梅花千萬樹相思共聽隔江鍾

新聞北督學之命寄祝融君

前
人
護法虛疑是宰官住山新着竹皮冠
雞棲不署囊中

草蝶化誰稱夢裡蘭一卷經殘僧下榻數聲鐘罷客
憑欄步蟾便踏芙蓉頂半夜無人獨自看

又

前人

五年夢斷紫宸班學道雲林早閉關湖海未教落姓
字風塵寧爲老容顏自應採藥來三島莫漫移文到
北山指點祝融問出處虬松千尺鶴飛還

自南岳歸憇公館賦謝康見東周建宇二年文

莊天合

叱咤重開岳頂雲清樽涼雨夜論文不緣地主高軒
過那得山房半榻分嶺外烟霞窺戶入人間雞犬自

天間何時更定尋仙約並遣藍輿跨紫氛

爲瑞光題佛傳心印

劉亨甲 臨武人

雙修淨土欲如何心自澄澄世自波花散大千呈寶
象宗傳半偈演銀河晴開慧照塵緣淨風送慈航頓
悟多得訣好臻無上果肯將密諦任嗟訖

登岳

王邊寧

峻嶒名岳插重玄蠟屐頻登赤帝巔僧磬遙從雲外
度佛燈直向霧中然瀑飛萬丈當空落松歷千年陡
壁懸神爽已超法界外好乘羽翰挾飛僊

會仙橋

前人

向平遠志氣偏揚躡蹻登攀蘿繞徑行
蟠竦雅能招鶴馭芒屨那敢畏羊腸
片雲黓巖端紫古樹掄竒世外蒼
安得宗僊王谷會圮橋黃石兩相將

蓮花峰

前人

幾朵竒峰鎮大千珠林空洞擬人天
潺湲水折龍歸鉢葱鬱松盤鳥弄弦
貝葉時翻蓬葉馥曇花日獻藕花鮮
摩空誰作滋培手不數華山十丈蓮

九日登石鼓贈徐茂才遊岳惠詩

王國泰

重九嬉遊石鼓竒相將款乃聽江湄
仲宣逸興登樓日徐孺高名下榻時
蘭若讀詩瞻北斗黃鵬得句咏東籬
知君賸有浮湘志衡岳峰頭任所之

登岳

前人

嶙峋翠巘望中懸躡蹻凌虛景倍妍
縹緲雲烟飛足下陸離星斗傍尊前
傳來駒識思懷讓響答雲璈憶魏仙
登眺有情還不盡可將事業問青天

觀音巖

劉經筵

遙瞻青靄混崔嵬徙倚岩頭翠作堆
萬木林中藏洞府五峰山半出樓臺
蓮花映日空還色貝葉當風卷復開
自是勝遊看不厭倦來隨意臥蒼苔

重遊南岳和曹侍御韻

鄭祖易 臨武人

衡岳岩峩有舊盟重來風景頓生情當年曾踏金牛
跡今日因隨驄馬行席地半分煨芋啗彌天幾部鼓
吹聲借眠杖掛藤蘿外夜半遙聞緱嶺笙

登南岳

羅廷槐 臨武人

到處登臨夙有盟向來兒女大闕情半生拄杖憑雲
過隨興溪山載酒行四壁瀟湘沉素影諸天烟雨落
秋聲瑤臺遠占虛無界鸞鶴時招子晉笙

謁廟登岳

黃華勳 柳陽人

何事湘東獲鳥文瑞含朱鳥更氤氳芒屨踏破千山

月筇杖挑殘萬壑雲夢裏不逢蒼水使祠前且禮祝

融君竭來解得塵中網讀罷黃庭夜正分

鄧虛舟公祖招飲迴鴈峰

袁子讓 柳陽人

靈鷲高躡絕勝臺仙槎有約幸趨陪雨餘嵐翠南山
落星底尊壘北斗開石鼓江聲當夜寂河洲桃浪帶
春來于今鄒衍方吹律鴻鴈應知處處回

衡山夜眺

前人

雲散攀躋最上峰杖頭七十二芙蓉盤紆洞受穿林
月屈曲烟隨引道松仙去尚留歸洞鶴壑深疑有聽
經龍夜來花雨登壇後風靜天空寺寺鐘

登衡山

前人

南山面面對南薰紫蓋朱明暝色分
梧鳳尚來虞后時山烟如護禹碑文
巧垂簾箔溪中水幻結樓臺夜後雲
我欲乘槎到天上披衣一見祝融君

登衡山

袁子訓 柳陽人

登臨七十二峰顛萬壑晴嵐一望連
梵雨鳥啣飛世外松濤風引到宮前
韓祠尚峙開雲處禹畫猶懷治水年
翹首天邊南斗近不知身世在雲烟

遊南岳

四首

袁伯獻 柳陽人

羅月松雲任往還塵關離却是仙關
羞將白髮繞羣

何用黃金更買山玩世獨餘雙眼在
浮生留得此身閒巖前芝草紛如許
早晚餐之一駐顏

其二

青鞵白衲自飄零那識風塵隱歲星
費杖有緣消劫夢奚囊無句答山靈
雲開蜃閣層層紫雨洗蓮峰瓣瓣
瓣青身在冰壺清絕處啜茶呵手寫黃庭

其三

杖頭嵐翠靄氤氳只尺仙凡路已分
金簡數行留鳥篆石碑千古護蝌文
朱陵洞古常飛雨紫蓋峰高半入雲
狐跡猿踪都不到隔林暮磬遠相聞

其四

千古鴻濛此斷開
寶花為座玉為臺
青山頓換塵凡骨
丹鼎長沈浩劫灰
金石袖中窺海岳
烟雲杖底接蓬萊
強顏歸路涓涓月
立馬峰前首重回

回鴈峯

廖文光

霜空列陣向南征
翠荻滄洲度好音
夢澤幾霄驚歲晚
衡山千里覺春深
青天重刷來賓羽
碧海長懸直北心
百天峯頭明月上
脩脩踈影過湖陰

衡岳禱詠

張文光

七十峰如畫裏看
連延秀色總堪餐
鶴來喜就芙蓉舞
鴈去聲悲石廩寒
飛睇海東窺日涌
捫星履底出雲端
他時遁跡岩頭寺
煨芋還思覓懶殘

陪馬學憲登祝融峯時風雨大作及崖而返

其二

溫陵劉春

楚岫無峯高祝融
馬明仙客駕飛鴻
瓊觴霞表應傳魏
璫瑄雲間定送馮
雙袖携來巫女雨
千山吹下大王風
姤人故識神靈意
恐盡揮毫一望中

其二

朱陵秋色滿蓬壺
赤帝平臨日月孤
一柱嵐光連北極
千江練影入南湖
玄夷世遠碑磨滅
萼綠春深藥

有無莫訝衡雲何驟隸東封風雨古來俱

未刻同陳別駕遊巾紫峯

峯去縣里許

劉春

峯臨近郭俯湘流簾幙烟光騁望收滾滾寒濤飛白

馬飄飄紫氣到青牛遙看苗黍千村渥差免流亡一

日憂誰道豫遊空玩物應來別駕海沂謳

夜宿萬壽宮 二首

劉春

策杖尋幽落日昏披榛得路訪僧門雲歸古寺依禪

定鳥散荒林雜梵喧

其二

帝座高居通御氣臣微中夜愧尸殮西江滿吸師何

在拚解朝簪祇樹園

遊集賢觀

群賢千載集高峯仰止前山第幾重拱絢朱明當軫

宿牕搖金簡削芙蓉脩篁鳴雨塔生霧密樹藏天石

倒松怪爾讐經白虎地空聞聽法黑猿鐘

登衡嶽

南中尹 愉

匹馬南來第一山雲中鷄犬別人間雪光隱見朱陵

出雲氣往來紫蓋閒虞輦不還虛洞合禹碑半點嫩

苔斑古今靈宅人瞻仰赤帝臺高繞佩環

侍象玄穆柱史謁岳廟 燕人張洵

衡山志 卷之八
當離宮闕擁霞光瞻謁欣隨到上方赤帝峭峰雄五
岳青驄霜氣滿三湘疎松忽送齊雲籟飛瀑遙生合
殿涼便欲扳躋七十二乾坤一覽付奚囊

同汝光鄒太史爲文莊穎川兩先生進主南臺

張洵

吾道千秋重衡山五岳尊樓臺天際插踪蹟嶺頭存
植草名書帶攤經演法門家聲聯玉樹宦伐震薇垣
江右歸人鏡湖南避世喧隱如棲薤谷空反借祇園
遺像傳宗祏英靈返帝閣主新依廟貌盟舊掌中原
指樹懷阿祖燃藜羨若孫情深共俎豆德遠播蘭蓀
瞻拜嗟生晚追趨托後昆蕪香疑返駕酌酒續招魂
吏俗居堪卜形忘心可論共祈呵護永累業有宸
恩

遇憨山上人時乞予爲結庵岳麓

張洵

京國傲遊八十年卜居休老南山巔談宗故演金僊
祕禮岳今依赤帝前人自曹溪歸正鉢香從蘭若散
諸天慚予未解無生訣結社能容到白蓮

登石鼓書院大觀樓二首 張洵

半空樓閣枕江頭江水雙環萬古流洞鎖朱陵遺藥

白橋橫青草帶漁舟經傳魯壁諸生集碑刻蟲書一
片留見說元龍高臥處不知賓從幾人遊

山形突兀此孤懸傑閣高擎積翠連隱現嶽雲欄楯
外參差帆影夕陽前江聲乍冷龜鼉寂樹色交橫鶴
鶴眠乘暇偶來恣眺望海光天色共悠然

合江亭

張洵

石鼓真奇絕江亭故虛敞四山送青碧一水何沆漭
豈經神禹鑿如出仙人掌漁歌起林端金風時薦爽
不盡臨流意真同天際想

七言絕句

洞靈源

仙筆

洞靈源接洞陽天疲壑危峰吐絳煙曾踏落花聽玉
籟赤松壇畔鶴鳴泉

唐

遊洞門題陳氏丹臺

張九齡

鶴頭西畔便門開陳氏丹升劫仞臺親思昔年誠誓
否至今猶說鬼肩裁

題雲師山房

楊巨源

雲公蘭若深山裏月明松殿微風起試問空門清淨

心蓮花不着秋潭水

過衡山贈楊鍊師

鮑溶

紫烟衣上繡春雲清隱山書小篆文明月在天將鳳

管夜深吹向玉宸君

衡岳濱送友人

武元

雲帆渺渺巴陵渡烟樹蒼蒼故郢城江上梅花無數

發送君南浦不勝情

重送南岳道標上人

劉長卿

衡陽千里故人稀遙逐孤雲入翠微春草青青新覆

地深山無路若為歸

寓岳寄楊衡州

韓翃

湘竹斑斑湘水春衡陽太守虎符新朝來笑向歸鴻

道早晚南飛見主人

望南岳懷普門上人

常應物

釋子身心無垢紛獨將衣鉢去八群相思晚望松林

寺唯有鍾聲出白雲

送清上人往衡南

劉商

閑出東林日影斜稻苗深淺映袈裟船到南湖風浪

靜可憐秋水照蓮花

宿藏公院聽齊孝若彈琴

楊巨源

禪思何妨在玉琴真僧不見聽時心離聲怨調秋堂
夕雲向蒼梧湘水深

過衡山

柳宗元

故國名園久別離今朝楚樹發南枝晴天歸去好相
逐正是峰前回鴈時

南岳清涼寺

楊巨源

憑檻霏微松樹煙陶潛曾用道林錢一聲寒磬空山
曉花雨知從第幾天

別盈上人

韓愈

山僧愛山出無期俗士牽俗來何時祝融峰下一回

首卽是此生長別離

橫龍寺

白居易

月射金光新殿閣風搖清嶺古杉松問師寶刹因何
立笑指橫溪有臥龍

休公歸衡

劉昭屬

草屨初登南岳船銅瓶猶貯北山泉衡陽舊寺春歸
晚門鎖寒烟幾樹蟬

聞山中步虛聲

施肩吾

何人步虛南峰頂鶴唳九天霜月冷仙詞偶逐東風
來誤飄數聲落塵境

酬南岳元亨上人

陳陶

一衲淨居雲夢合，秋來詩思祝融高。
何因知我津涯潤，遠寄東溟六巨鰲。

祝融峰

陳陶

曾到祝融峰頂上，步隨明月宿禪關。
夜深一陣打窓雨，卧聽風雷在半山。

黃華觀四首

王廷筠

黃華老人

帝遣名山護此邦，千家瑟瑟塞西窓。
山僧乞與山前地，拓客先開四十雙。

掛鏡臺西挂玉龍，半山飛雪舞天風。
寒雲直上三千

尺，人道高歡避暑宮。

手柱一條青竹杖，真成日挂百錢遊。
夕陽欲下山更好，深林無人不可留。

王母祠東古佛堂，人傳棟宇自隋唐。
年深寺廢無僧住，滿谷西風栗葉黃。

南岳後山舜井旁，有舜洞。

朱慶

碧甃磷磷不記年，青蘿鎖在小山巔。
向來下視千山水，疑是蒼梧萬里天。

詠南岳徑松

狄煥

一陣雨聲歸岳嶠，兩條寒色下瀟湘。
客吟晚景停孤

棹僧踏清松徹上方

洞真觀

任擘

得道真仙去不回空遺宮殿起崔嵬千年勝地多殊
感群鶴翔飛歲歲來

洞真觀

無名氏

玉洞瑤壇長冷落真虛品寶色常新可憐城裏悠悠
者不識瀟湘四季春

寄衡岳僧

僧懷素

祝融高座對寒峰雲水昭丘幾萬重五月衲衣猶近
火起來白鶴冷青松

寄南岳清溪道者

齊己

萬重千疊紅霞障夜燭朝香白石龕常寄溪窓凭危
檻看經影落古龍潭

寄南岳泰禪師

前人

江頭默想坐禪峰白石山前萬丈空山下獵人應不
到雪深花鹿在庵中

五代

解印歸衡山

廖凝

五斗徒勞自折腰三年兩髮為誰焦今朝官滿重歸
去還挈來時舊酒瓢

田鴈峰

陳孚

田鴈峰前一棹孤平波如鏡浸菰蒲楚天日落碧雲
合山北山南聞鷓鴣

宋

過高臺獲信老詩集

張栻

蕭然僧榻碧雲端細讀君詩夜未闌門外蒼松霜雪
裏比君佳處讓高寒

方廣道中半嶺少憇

前人

半嶺籃輿小駐肩眼中已覺渺雲煙山頭更盡無窮
境非是人間別有天

和朱元晦

前人

一見瓊山眼為青馬蹄不覺渡沙汀如今誰是王摩
詰為寫清新入畫屏

和擇之福嚴回望岳市

前人

回首塵寰去渺然山中別是一風煙好乘晴色上高
頂要着清霜明月天

和擇之

前人

山中好景年年在人事多端日日新不向青山生戀
着祇緣身世總非真

懷胡安國

前人

若人別去已經秋却見山間翰墨留獨對西風指望
眼試從雲際辨荊州

下山有作

前人

五日山行復下山愛山不肯住山間此心無着身長
健明歲秋高却往還

穹林閣

朱熹

日落西南第幾峰斷霞千里抹殘紅上方傑閣憑欄
處欲盡餘暉怯晚風

方廣道中半嶺小憩

前人

不用洪崖遠拍肩相將一笑俯寒烟向來活計蓬蒿

底浪說江湖極目天

懷定叟

前人

偶來石廩峰頭寺忽憶畫船齋裏人城市山林銜一
致不知何處是真身

醉下祝融

前人

我來萬里駕長風絕壑層雲欲盪胸濁酒三杯豪氣
發朗吟飛下祝融峰

霜月

前人

蓮花峰頂雪晴天虛閣霜清絕縷烟明發定知花款
款如今且看竹娟娟

殘雪未消

前人

脚底悲風舞凍鴉此行真是躡蒼霞仰頭若木敷瓊
乘不是人間玉樹花

雪消溪漲山色可喜

前人

頭上瓊岡出舊青馬邊流水漲寒汀若為晉得晶筵
住突兀長看素錦屏

林間殘雪時落鏘然有聲

前人

青鞋布襪踏瓊瑤十里晴林未覺遙忽復空枝墮
白恍疑鳴玉落層霄

岳麓道中尋梅不獲復遇雪

前人

一日山行風繞林天寒歲暮客愁深心期已悞梅花
咲急雪無端更滿襟

登南岳蘭若

盧肇

祝融頂頂萬餘層策杖攀枝步步登行到月宮霞外
寺白雲相伴兩三僧

高齋

趙抃

野外長溪溪外山捲簾空曠水雲間高齋有問如何
答清夜安眠白晝閒

馮洪亭

張公綬

潺潺石磴瀉瀉紅泉路躡丹梯入紫烟岩有高人無問

處庵羅雙樹碧參天

水簾洞

畢公田

洞門千尺掛飛流玉碎珠簾冷噴穉今古不知誰捲
得綠蘿爲帶月爲鈎

白龜泉

無名氏

天下白龜三處顯怡山少室壽仙亭我今卜築南山
頂得尔爲隣祝聖齡

國朝

過衡陽

解縉

欲上衡山看洞庭往來無暇不勝情秋霄跨鶴持雲

下歸路猶堪借月明

憶衡山

陳獻章

身輕何處謝炊煙石洞松脂不計年尺牘已通南岳
主一丸還有白龍仙

又

前人

南岳千尋雲萬尋丹青難寫夢中心人間鐵笛無吹
處又向秋風寄此音

登南岳

王詔

平生夢想祝融峰幾欲登臨路未通今日乘園來絕
頂恍疑身在五雲中

懷南岳

湛若水

西遊脚底是青天身世蕭條似老禪
人世萬緣揮手謝五峰明月抱雲眠

蓮花峰

鄒守益

飛泉日夜作龍吟夢裡疑聞廣樂音
欲譜觀瀾翻古調宮商歷亂渺難尋

次朱張韻

燕信

一片秋雲伴遠程山山吟鳥傍遊人
夜來七十峰頭遍不省閑身是我身

次東廓

前人

鞭鶴同誰出薜蘿石泉雲外和予歌
太清清處堪同住不用青錢買竹窩

次石泉

前人

我到吟詩泉一吟與泉渾是自然音
聽泉若到忘泉處七十二峰何處尋

登南臺

羅洪先

高尋土界步虛壇路入南臺鐘磬寒
真便與僧談去住萬松深處且憑欄

過丹霞

鄒善

門步丹霞小洞天半空人語落飛泉
回看雲滿三千

界疑是洪濛未判前

觀音菴

陳仲錄

七十二峰天外天四大偶來同老禪
五更鐘磬峰頭
急我獨和衣抱月眠

水簾洞

巖 嵩

飛波千尺瀉天風
點點珠璣洒碧空
日午洞頭尋醉
石不知身在水晶宮

登衡岳

朱 佩

月色疎帷高更捲
滿天清露濕衣裳
溪橋流水微風
度添得南來一味涼

聖燈岩

楊志伊

光天觀裏朝南斗
青玉壇前祝上台
夜半不知明月
上山僧翻報佛燈來

南臺寺

張勉學

挾客高登意爽然
山川爭獻碧巖前
與石莫話浮生
事試聽松風共檻泉

觀音庵

前 人

山嶺崎嶇盡日行
勞勞塵土愧生平
秋光何處堪乘
興天柱峰頭月正明

鷄鳴寺

李義壯

南宗昔日傳衣處，蒼筤無香路。欲迷莫問鷄鳴夜，初
半鉢龍先已過曹溪。

貫道泉

前人

一勺冷冷去不還，宜從天上到人間。泉聲月色花香
處，坐看千山與萬山。

朝暘臺

前人

野色浮烟露未晞，海門東映紫雲衣。山深不見扶桑
樹，空有暘烏款款飛。

流杯池

徐廣

何處飛來瀑布泉，峰頭海立浪花圓。桃花片片隨流

水分破南臺兩洞天。

飛來船

張居正

石艦飛來幾閱年，半落不落雲中懸。何嘗柱向銀河
去，直取支機下九天。

聽泉

前人

恰向峰頭窺日出，還來松下聽泉鳴。飛濤踈沫幾千
點，轉石轟雷一夜聲。

水簾洞

前人

羨疑瀛海翻瓊浪，莫擬銀河倒碧流。自是湘妃深隱
處，水晶簾挂五雲頭。

靈澗

向程

天柱峰高挂玉虬靈泉何處是源頭飛來仙舫如堪
駕直上銀河問斗牛

過南臺

趙志舉

絕巖層岩路幾迴流泉引客度南臺平山落日午雲
散笑倚青松萬壑開

送栢亭上人

魯朝節

人誰不有佛摩尼雙樹當年說法時只似無言亭上
栢木來如是未支離

菩提庵

前人

老僧燃指竟何得跌坐菩提看佛書無樹若超無上
界不將有相覓真如

觀音崖

前人

第一峰前梵刹深觀音崖下好觀心道人舊是無心
者美石聽泉自在吟

講經臺飛來船

前人

石依空界為函丈佛在名山關道場且指本心超彼
岸共言臺畔有慈航

贈臨武鄺慕一卜築南岳

伍讓

卜築名山只數椽松風蘿月小窓前鄴侯舊館空芳

草今日重開二酉天

其二

前人

烟雲萬壑裊晴空倚杖行吟思不窮最好祝融峰上
景共誰携手月明中

贈鄺慕一習靜祝融

前人

聞君習靜日閒閒拔出屣塵囂兩間何處可窺真面
目一輪秋月吐衡山

不向風塵浪白頭直從名岳覓丹丘有時獨嘯孤峰
頂浩氣還應隘九州

登岳雨霽

何道求

客中十日坐溟濛遲我馮虛叩上封倏忽天邊晴
起穿雲迢遞閱蒼松

其二

前人

山靈久已待登遊遵路忻逢雨忽收雲霧祝融堪策
杖軒然觀日海東頭

觀音崖瀑布泉

郭正域

玉蜩無數吸長虹噴出流泉吼夜風天津萬里高多
少或與人間水脉通

寒泉幾道落松杉嗽作聲聞說法品好似西方功德
水更如南海普陀岩

馬土聞泉首重回
紺樓瓊殿半天開
九龍吐水爲法
雨遙向雪山頂上來

長風日夜響潺湲
何處珠簾萬古懸
水府不知來遠
近上頭人說有天田

觀日

任家相

爲愛閒雲倦卧遲
新晴鍾鼓上方知
乍醒蘿月三更
夢已掛扶桑第一枝

其二

前八

海氣茫茫紫霧霏
六鰲初捧火輪歸
漫傳金翅鳥三
足實有神光燭九微

登南岳

前一人

探奇萬仞託行蹤
報祀千年應秩宗
綵筆莫驚封禪
草太平無事禮諸峰

芙蓉峰

王在晉

琪樹開光玉露香
姿容絕妙舞霞裳
芙蓉谷高插仙人
掌秋水澄波試曉粧

朱陵洞

前一人

翠華掩映玉玲瓏
一片空明斲太濛
洞裏瑤光應不
夜步虛人入水晶宮

遊方廣

劉之龍

幾夜禪房夢獨清又看翠岫帶溪聲明朝策馬出山
去回首煙雲無限情

社老澗

錢塘人

萬丈虹蜺穿翠靄一派渾渾出高峰雲與水石自相
激只恐驚人化作龍

禱岳有應

易象

皈依拜禮祝融靈爲乞龍孫下紫冥白是青箱家世
顯色絲幼婦是寧馨

遊方廣謁晦菴南軒兩先生祠次韻

張元幹

曾聞火裏可栽蓮開向炎方色更妍此日偶來花上
坐不妨重賦愛蓮篇

風月行囊總一肩芒鞋得得破春烟碧桃溪畔花正
吐始信山中別有天

試詠同遊百絕吟至今流水亦知音雙鷺一去經千
載渺渺雲山何處尋

禪堂獨對一燈清却訝溪聲似雨聲灑灑東流無日
夜今人賸有古人情

登祝融

莊天合

七十諸峰最上頭分明離火照南洲氤氳不散鴻蒙

氣縹緲真同汗漫遊

齋頂虛傳海外蹤群仙此日見朝宗不知五岳同開
闢爭長誰當第一峰

萬丈丹梯手自攀仙家如在五雲間秋清靈籟空中
度疑是元君笙鶴還

五嶺迷茫紫翠重三湘廻合散芙蓉丹旆片片生虛
壁應護當年玉檢封

呼吸真通帝座高凌虛聳臂憶盧敖山河下界中原
盡一笑乾坤意自豪

徙倚層臺四望孤倒窺南斗掛丘隅條然自御冷風
上不道瑤池青鳥呼

歸自絕頂遇雨與康見東周建宇二年丈夜酌

上封寺

前八

不是秋陰妬勝遊靈山風雨自相求天花遍灑瀟湘
潤洗出林巒面面幽

回首峰頭霧靄攢怪來列岫避高寒篔簹聲細與山泉
落遮莫玄言燭半殘

上方鍾磬遍諸天妙擁蓮花敞法筵古洞濕雲還自
暗蕭蕭一榻好安禪

海內同袍契自深鍾期山水足知音啣杯漫話連纖

雨把臂何妨夜氣侵

衡岳山中

尹臺

漁家四五西山側苦竹陰疎自一村昨夜谿添三尺水飛鷗無數在柴門

講經臺

邊維垣

丹梯萬丈說經臺紫氣彤雲瑞色開白馬默言人已去青龍倚杖爲誰來

會仙橋

邊維垣

鑿斷雲根水不流飛虹萬丈引青牛山空木落仙人去獨鶴隨吾汗漫遊

回鴈峰

李義壯

黃花修竹草離離歲晏堂空客到遲堪笑山僧無曆日峰頭長候鴈來時

會仙橋

邵雲霄

橋跨虹腰紫翠重群仙冉冉踏芙蓉周工八駿還難到鞭石何須笑祖龍

水簾洞

前人

水晶宮裏罷仙粧珠箔斜褰漱玉漿坐處不知環珮濕吹來猶覺雨花香

飛來船

前人

銀潢空濶水潺潺破浪乘風幾日還好向蓮花招太
乙不須更過石帆山

聖燈巖

前人

層巖遙放白毫光半夜南離焰倍長照落妖星罽田寶
月大千何處是迷方

流杯池

前人

靈泉九轉羽觴浮坐石攀花作酒籌
首遣花飛隨水去恐驚漁子更移舟

朝暘臺

前人

三更老衲卧禅床静笑羲和太着忙
塵世勞勞何日

息吾將散髮到扶桑

迴鴈峰竹院

黃廷用

梵樂乍驚宿飛鳥片雲江上月華微
如何湘竹當年淚猶向東風灑客衣

又

前人

風送竹聲搖萬玉月流清影正高秋
尊前厭聽雲和瑟併作瀟湘一夜愁

南臺寺

彭鳳

何年白日騎鸞鶴踏遍衡山一岳雲
七十二峰蒼翠裏道衣重拜祝融君

和陽和張太史遊方廣

伍讓

香閣旃檀入坐清
憑欄獨聽夜泉聲
飛花噴玉祝融裏
不盡川流萬古情

和陽和張太史遊方廣

曾鳳儀

直上峰頭坐碧蓮
松聲草色更爭妍
昔賢高唱知誰和
此日重賡白雪篇

又

前人

覽勝名山此息肩
蓮花深處足風烟
閑臨定水心無事
况是陽春二月天

會仙橋

管大勳

絕巘孤懸片石通
獨餘玄鶴共蒼松
西行似有昇天路
又隔人間幾萬重

福巖寺鄴侯書舍

沈鈇

一枕烟霞石作槃
峰頭片片自噴岬
牙籤萬軸今何在
石室平蕪玉簡殘

道中景物甚勝吟賞不暇

李燾

紫岩翠壑景皆春
隨路烟花引思新
邂逅山靈如我問
邀遊五岳未歸人

回友人登岳

王炳然

郡人

招隱翩翩策紫筇
共尋七十二高峰
戛然萬里天風

急疑在清虛第幾重

衡山道中

柯文

終日山行路不通東西屈曲草濛濛丹楓落向溪流
出似有桃花千樹紅

投宿上封寺遇月溪上人

朱君壽

夜靄登虬到上方拂衣掃石坐雲堂一磬清嘯霜楓
舞驚起寒林宿鳥翔

望岫巉山

前人

金泥玉檢授馮夷蝌蚪文章古篆竒欲叩水經探禹
噴岫巉石窟認殘碑

祝融望日

羅夢暘

靈籟無聲夜正中振衣千仞踏層空祝融下瞰扶桑
日萬頃無波天際紅

方廣一偈

前人

妄想原來不是心群生偏執假為真于今解悟無諸
相大地虛空只一塵

望岳

朱君壽

青葱佳氣鬱層巒隱隱雲端暈火蓮好語炎君頂護
惜看花指日踏山巔

登天柱峰

前人

天柱峰高雲外插芙蓉巘疊日邊浮曉來極目紅霞
散海上應知起蜃樓

會仙橋

龍國祿

飛梁百尺度仙鄉雲鎖懸巖出杳茫試煉素心天可
問憑虛疑泛斗牛旁

講經臺

前人

高臺平等法華明趺坐悠然問廣成但使石頭能解
語不將文字證無生

飛來船

前人

劇興探竒拾翠微石舟虛度與雲飛茫茫彼岸知何

處日暮乘風載月歸

半山亭

前人

岩堯山逕擁孤亭萬點蒼烟拱若星風雨欲來行強
半停卮何處覓湘靈

貫道泉

前人

石溜涓涓印此心圓虛一脉澹相尋山僧進茗涼如
雪指點峰頭返道林

鴈峰烟雨

陳聖典 郡人

雄峰傑閣俯東南萬井烟浮雨色含莫恠鴈行飛欲
斷遙天山景更誰堪

石鼓洞天

前人

翠屏杳靄界湘流一逕朱陵石草秋
讀罷洞邊碑上字坐邀明月最竊樓

岳亭雪霽

前人

虛亭縹緲對峻嶒選勝偏宜雪霽登
漫道丹爐能霽雪吾心自有玉壺冰

花藥春溪

前人

融融溪水四時春長鎖花關潤兆民
一口西江都吸盡却驚無計涸靈津

青草漁家

前人

青草橋邊一望沙夜憑燈火數漁家
柴門半掩綸竿寂人在湘江醉月華

迴龍仙宅

前人

仙人見說好樓居千載迴龍舊草廬
運水搬柴諳道者神通可復似當初

東洲桃浪

前人

大江東去浪生花訝是仙桃出水涯
函舫沿流幽賞極武陵贏得餒胡麻

西湖荷花

前人

湖上清陰風滿衣天吹函葑散涼翻碧筒
一醉誇河

翔九品蓮池帶酒歸

登衡岳頂

前人

屹立高峯絕四鄰獨於帝座得相親不携謝眺驚人句恐復能驚天際人

衡岳小嵩道中即事

前人

平明問道小嵩山大士金容悲仰間一帶溪河流佛髓千層岡嶺鎮禪關密林惟石參差見樵斧耕鋤次第還悟取最初無路路肯令終日費追攀

續刻附錄

衡岳山居寄鄧觀察

張博

秋晚山氣佳開簾望天宇白雲飛尚濕紅日低未舉蕭蕭巖下風颯颯松上雨萬籟既已寂中情無所取手撚金光草笑指青鸞舞但覺遠紅塵何知非紫府我聞古曠士吏隱惟茲土莫言上頭居不是南岳主次張孝廉無名方廣同宿見贈之作

岳和聲

行盡七千里山中才見君岳開蓮作寺人散咳爲雲劍喜雌雄合星占吳越分不緣清夜坐自性得聞聞

宿天尺菴曉起

張自博

三更鍾磬寂永夜佛燈明月露床頭濕秋泉夢底清
起看星欲墮坐向斗間橫欲待天門啟吾將謁玉京

山居漫作

前人

地僻遊人少山深古寺荒倚巖開草閣傍竹結繩床
老衲逢煨芋山翁笑賣薑逃閒聊假日亦足傲羲皇

岳儀部過山齋夜談

前人

世外逃喧地林開識使君言尋南岳勝更踏萬山雲
淪茗啣趺坐高談入夜分何緣流水調得向靜中聞

絕頂

前人

極望出孤煙攀躋碧漢連山河自布地巒岫不妨天

五岳誰爭長羣峰爾獨先窮岕連海霧上界雜星躔

俯視三湘小平看二曜懸我來庾嶺外秋落洞庭前

商籟傳清梵明河引瀑泉遊人恣遠眺羽客意蹁躑

寶洞憑虛盡中區一覽全冊梯非絕地紫極混重玄

到來窮勝賞閒得問諸仙野意隨寥廓浮名任棄捐

盤雲依古石趺坐類枯禪揮塵搖霞蔭清歌泛日邊

自憐出世想不用買山錢久住渾空寂高居獨灑然

或乘黃鶴去歸抱白雲眠自得空中意堪爲靜者傳

風塵何處着人世自相牽寄語煙霞客世外共周旋

宿祝融峯

岳和聲

竿頭積氣千重足下浮蒼萬點夜半日躡扶桑一杯
海水清淺

和鄧觀察玄度遊岳詩得三首

張博

層巒如障踞離宮翠壁丹丘望不窮玉兔尚留天柱
北金烏俄發日華東煉丹臺上松呼雨洗鉢池邊竹
颭風向夕雲師盈石上仙燈明滅亂林中

其二

洞臺西望見清氛飛步閑隨鹿豕羣入夢未逢滄水
使尋仙遙禮紫陽君巖間琴響傳清溜地底鍾聲和
白雲莫道玉書無處覓石函秋草護靈文

其三

靈臺珠樹淨無塵寶洞琪花不變春山口雲霞時結
幔溪邊鸞鶴自成隣休論金簡容探秘亦有桃源許
問津何處玉笙吹夜月雲輶初下魏夫人

會仙橋

張博

會仙橋下揖仙羣半是乘風半馭雲邂逅相逢歸別
洞不知誰是魏元君

石船

前

鼓棹何年度五湖石帆飛去石船孤相逢我亦乘槎
者問爾能過弱水無

會入蓮花峯道中遇雨風半定雲前故人發
馬首蒼茫度碧空九天吹落雨濛濛行人指點來時
路大地山河野霧中

宿上封寺觀日出

嶺南陳吉孺

叅禪纔夜半呶喔聞天鷄東海一輪上西巖片月低
蓮花漏欲歇蘿徑鳥先啼悟得空中相明珠照客迷
送張無名讀書衡岳兼訪鄧觀察玄度

韓上桂

平生頗挾尚平願五岳名山登欲遍却慚塵慮未能
清虛說金光徒隱見吾友張生稔嗜竒天外蓬壺恍
見之玄心遏絕無由會直向衡山尋紫蓋紫蓋彤雲
萬朶浮若爲高步眺神州中原指點蒼烟合華岱嵩
恒次第遊經行沅渚饒蘭蕙閒供佩結明幽契觀察
鄧公吾黨豪夙昔文章同臭味見君携手當何如一
榻清風意有餘金臺定許能招駿石室相留暫著書
絕頂祝融誰可到手翳芙蓉覓真誥大叫飛鴻且勿
迴芳音好爲故人道故人久臥粵江湄壁上蒼龍怨
別離拳帷壯節青雲隔博物芳隣繫我思箇中浪跡

多玄尚昔日懶殘任豪放煨芋談深會摠竒爲君穩
取十年相相業糠粃詎足論風流宋玉吐精神雲雨
巫山徒幻妄至今雄藻照猶新送君行酌君酒以爾
才華嗣楚騷芳稱到處在人口上林花樹春無邊飽
染霜毫縱高手足踏蓬來第一峯九州五岳于柯有
莫笑鶴鶴棲獨卑一丘一壑聊孤守

余奉

何士晉

欽譴再移嶺西因得經衡謁岳行至半山亭雲霧
四塞幾不能措一趾偶念及韓昌黎故事默有所
禱未幾雲收日朗直上祝融峯盡覽江山之勝可

爲大快爰漫賦二律以識衡岳之靈且俯仰今昔
不能不重有感也

半岫開雲


何士晉

登山纒半忽雲迷上下蒼茫色一齊萬壑怒濤驅木
魅九天曙色轉晴霓幸同衡岳開閭闔敢謂潮陽似
嶺西明聖遠過唐季主鮒生應自愧昌黎

祝融攬勝

何士晉

獨挹高峯上祝融天香縹緲四時同雲開紫蓋芙蓉
簇日照丹霞錦繡叢劈破漢江分白練摘來星斗掛
蒼龍乾坤欲補東南缺一柱能撐半壁空



行
十
元

糸
亥
口
金

三

